



宋繫太平御覽



13  
403  
44



太平御覽卷第二百六十八

職官部六十六

良令長一

崔鴻十六國春秋北涼錄曰張譚字元慶武威姑臧人也  
為和寧令政以德化為本不務威刑民有過者讀孝經及  
忠臣孝子傳訓導之百姓愛之如父母號曰慈君  
又後趙錄曰王謨字思賢襄鼻言不清暢庭短無威儀將  
拜曲陽令石勒疑之問長史張賓賓曰請試可勒從之政  
教嚴明百城尤最出為都部從事守宰去官者十五人  
又後趙錄曰申錄字道時為廣昌令白鳥巢其庭樹甘露  
降其廳事後為三公  
北齊書曰郎茂除衛國令時有繁囚二百茂親自究審數  
日擇免者百餘人歷年辭訟不詣州省魏州刺史元暉謂



新金圖書

此係明治  
八年八月  
廿八日  
山田  
君以  
所購  
以贈



日長史言衛國人不取申訴者畏明府耳茂曰人猶水也法令爲隄防不固必致奔突苟無決溢使君何患哉暉無以應

後周書曰辛昂行成都令昂到縣便與諸生祭文翁學堂因共歡宴謂諸生曰子孝臣忠師嚴友信立身之要如斯而已若不事斯語何以成名宜自勉克成令譽昂言切理至諸生等深感悟歸而告其父老曰辛君教誡如此不可違之於是井邑肅然咸從其化

陳書曰褚玠山陰縣多豪猾前後令皆以贓汙免高宗患之謂中書舍人蔡景歷曰稽陰大邑久無良宰卿文士之內試思其人景歷進曰褚玠廉儉有幹用未審堪其選不高宗曰甚善卿言與朕意同乃除山陰令

隋書曰魏德深選貴鄉長爲政清淨不嚴而治會興遼東

之役徵稅百端使人往來責成郡縣于時王綱苑系吏多贓賄所在徵斂下不堪命唯德深一縣有無相逼不竭其力所求皆給百姓不擾稱爲大治尋轉館陶長貴鄉吏人聞之皆歔歔流涕語不成聲及將赴任傾城送之號泣之聲道路不絕旣至館陶闔境老幼皆如見其父母有猾人員外郎趙君寔與郡丞元寶藏深相交結前後令長未有不受其指麾者自德深至縣君寔屏處於室未嘗輒敢出門逃竄之徒歸來如市貴鄉父老冒涉險難詣闕請留德深有詔許之館陶父老復詣郡相訟以貴鄉文書爲詐郡不能決會持節使者韋霽杜整等至兩縣詣使訟之乃斷從貴鄉貴鄉吏人歌呼滿道互相稱慶館陶衆庶合境悲哭因而居住者數百家

隋書曰蘇威薦房恭懿授新豐令政爲三輔之最上聞而

嘉之賜物四百段恭懿以所得賜分給窮乏未幾復賜米三百石恭懿又以賑貧人上聞而止之時雍州諸縣令每朔朝謁上見恭懿必呼至榻前訪以理人之術  
又曰房彥謙遷長葛令甚有惠化百姓號爲慈父仁壽中上令持節使者巡行縣察長吏能以彥謙爲天下第一超授都州司馬吏民號哭相謂曰房明府今去吾屬何用生爲其後百姓思之立碑頌德  
又曰劉曠不知何許人也性謹厚每以誠恕應物開皇初爲平鄉令單騎之官人有爭訟者輒丁寧曉以義理不加繩劾各自引咎而去所得俸祿賑施窮乏百姓感其德化更相篤勵曰有君如此何得爲非  
唐書曰李大亮授土門令屬百姓饑荒盜賊侵寇大亮遂賣所乘馬分給貧弱勸以墾田歲因大稔躬捕寇盜所擊

輒平時太宗在藩巡撫北境聞而嗟嘆下書勞之  
又曰賈敦頤弟敦實貞觀中爲饒陽令政化清靜老幼懷之時敦頤復授瀛州刺史舊制大功以上不復連官朝廷以其兄弟在職俱有能名遂不遷替  
又曰高宗以尚乘奉御權懷恩爲萬年令賞能也時有奉乘安畢羅善於調馬上頗狎之懷恩因奏事遇畢羅在左右言戲無禮懷恩旣退執而杖之上知而嗟賞謂侍臣曰懷恩乃能不避強禦真良吏也即日遷擢  
又曰景雲中長安縣令李朝隱加太中大夫朝隱之宰京縣也政刑畢舉權豪懾憚有內寺伯非禮于朝隱叱繫于獄上喜焉故有此命  
又曰路嗣恭京兆三原人始名劍客歷仕郡縣有能名後授神烏令考績上上而爲天下最玄宗以其能嗣魯恭賜

改其名

又曰韋景駿開元中爲肥鄉令縣人有母子相訟者景駿謂之曰吾少孤每見人養親自痛終天無分汝幸在溫清之地何得如此錫類不行令之罪也因垂泣嗚咽仍取孝經與之令習讀於是母子感悟各請改悔遂稱慈孝累轉趙州長史路由肥鄉人吏驚喜競來犒餞留連經日有童稚數人年甫十餘歲亦在其中景駿謂曰計吾去此時汝輩未生旣無舊恩何慙勤之甚也咸對曰比聞長宿傳說縣中廡宇學堂館舍堤橋並是明公遺跡將謂古人不意親得瞻覩不覺欣戀倍於常也其爲人所思如此

又曰馮伉遷尚書膳部員外郎李抱眞卒充弔贈使抱眞男遺伉帛數百疋不納又專送至京亢因表奏固請不受屬醴泉縣關令宰臣進人名上意不可謂宰臣曰前使澤

潞不受財帛者此人必有清政可以授之遂改醴泉縣令患百姓多昏猾爲著諭蒙十四篇大指明忠孝仁義勸學務農每鄉給一卷俾其傳習

又曰元德秀字紫芝河南人也爲魯山令先是墮車傷足不任趨拜汝郡守以客禮待之部人爲盜吏捕之繫獄會縣界有猛獸爲暴盜自陳曰願捨殺猛獸以自贖德秀許之胥吏曰盜詭計苟免擅放官囚無乃累乎德秀曰吾不欲負約累則吾坐必請不及諸君卽破械出之翌日捨猛獸而還誠信化人大率此類

齊書曰王劭則爲暨陽令時軍荒後縣有一部劫逃入山中頗爲人患劭則遣人致意劫帥使出首當申論郭下廟神甚酷烈百姓信之劭則引神爲誓必不相負劫帥旣出劭則於廟中設酒會於座收縛曰吾啓神若負誓還神十

牛今不得違誓卽殺十牛解神并斬諸刼百姓悅之  
晉史曰壽張令趙廣考滿之外量留二年以飛蝗避境故  
也

廣州先賢傳曰黃豪字子微交阯人除外黃令豪約己儉  
節籠衣蔬食所得俸秩悉賜貧吏一縣稱平

益部耆舊傳曰羅衡字仲伯爲萬年令誅鋤姦黨縣界肅  
然民夜不閉門繫牛馬於道旁日以屬羅公

又曰趙瑯字孫明少好遊俠行部帶劍過亭長亭長譴之  
乃歎曰無大志故爲監吏所輕耳於是解劍掛壁曰瑯不  
乘輜車佩紱不復帶劍因之京師詣太學受業治春秋變  
行厲操名德遂稱除野王令乃解劍帶之官治官清約以  
身率下烟火不舉常食乾糲

又曰閻憲字孟度爲綿竹令治以禮讓爲首寬猛相濟其

聽察甚明簡選吏職甚得其人男子杜成夜於路得遺裝  
一囊開視有錦二十五疋迄明詣吏曰縣有明君不能慙  
心故也

又曰楊球字仲宣爲茂陵令寬和多惠以至誠接下爲民  
所愛比縣連歲蝗災曲折不入茂陵

長沙耆舊傳曰祝良字邵卿爲洛陽令貴戚斂手桴鼓稀  
鳴時亢旱天子祈雨不得良乃暴身階庭告誠引罪紫雲  
杳起甘雨乃降

陳留風俗傳曰昭帝時蒙人焦貢爲小黃令路不拾遺囹  
圜空虚詔遷貢百姓揮涕守關求索還貢天子聽增貢之  
秩千石貢之風化猶存其民好學多貧此其風也

海內先賢傳曰公沙穆遷弘農令界有蝗蟲食禾稼百姓  
惶懼穆設壇謝曰百姓有過咎在典掌罪穆之由請以身

禱玄雲四集雨下霽霽自日中至晡不知蝗蟲所在百姓稱曰神明

魯國先賢傳曰孔翊爲洛陽令置水於前庭得私書皆投其中一無所發彈理貴戚無所迴避

汝南先賢傳曰黃浮字隱公陽安人年二十在於民伍曾爲墟里所差次當路亭於是感激學書慨然長歎曰黃浮非鄉里所知因隨人到京師求學歲餘除昌慮長濮陽令同歲子爲都市掾犯罪當死一郡盡爲之請浮曰周公誅二弟石碯討其子今雖同歲子浮所不能赦也治政清明號爲神君

又曰陳曄邵陵人也體尚篤烈學通古今除巫令民張遺腹子年十五爲父報讎吏捕得之曄愍曰嗟乎今殺遺腹之孤絕人繼嗣是不仁也法復讎之子是不義也不仁不

義焉可以爲人君長哉遂解印綬逃亡遇赦乃出

鍾玩良吏傳曰高玩字伯玠蜀郡人也除曲陽令及徵還送者不使出界布被緼裘猶去時之服朝野歸其清

又曰司馬儁字元異補洛陽令豪右挫氣京都號曰卧虎又曰陳登字元龍廣漢人也爲東陽長視民如子

崔氏家傳曰崔瑗爲汲令乃爲開溝造稻田薄鹵之地更爲沃壤民賴其利長老歌之曰天降神明君錫我慈仁父

臨民布德澤恩惠施以序穿溝廣溉灌決渠作甘雨

殷氏傳曰殷襄爲滎陽令先多淫雨百姓飢饉君乃穿渠入河三十餘里疏導原隰用致豐年民賴其利號殷溝而頌之

鍾離意別傳曰意遷東平瑕丘令男子倪直勇悍有力便弓弩飛射走獸百不脫一桀悖好犯長吏意到官召署捕

賊掾勅謂之云令昔嘗破三軍之衆不用尺兵嘗縛暴虎不用尺繩但以其謀爲之耳掾之氣勢安若宜慎之因復召直子涉署門下將游徼私出入寺門無所關白收涉鞭之直走之寺門吹氣大言言無上下意卽勅直能爲子屈者自縛謝令不則鞭殺其子直果自縛意告曰令前告汝嘗縛暴虎不用尺繩汝自視何如虎自縛耶勅獄械直父子結連其頭對榜博壯切欲死掾吏陳諫乃貸之由是相率爲善所謂上德之政鷹化爲鳩暴虎成狸此之謂也荀氏家傳曰荀邈除太原榆次令爲政以德人懷之時有鳳凰集其境內晉武帝下詔褒美太始三年卒吏人如喪親戚爲之樹碑其序曰仰之如日月敬之如神明愛之如父母樂之如時雨

典略曰韓攸字仲潢潁川人爲羸長時民大飢而太守未

至攸因發倉賑之吏白言太守垂至軍糧重事可須來到攸言民命懸急令以擅出穀受罪合眼入地不以爲恨也後竟不坐吏民蒙濟者數千人

會稽典錄曰徐弘字聖通爲汝陰令縣俗剛強大姓兼并弘到官誅剪奸桀豪右斂手商旅路宿道不拾遺童歌之日徐聖通政無雙平刑罰奸宄空

華陽國志曰王長文字德儻元康初試守江源令縣收得盜馬賊及發冢賊長文引見誘慰時適臘晦皆遣歸家獄先有繫囚亦遣之謂曰教化不厚使汝等如此長吏之過也蜡節慶祚歸就汝上下善相懽樂過節來還當爲汝思他理郡吏惶懼爭請不許尋有赦令無不感恩

又曰景毅字文堅梓潼人爲高陵令立文學以禮讓化民遷侍御史吏民守闕請之三年不絕



搜神記曰徐栩字敬卿吳曲拳人少爲獄吏執法詳平爲小黃令時屬縣大蝗野無生草至小黃界飛過不集山公啓事曰溫令許奇等並見稱名雖在職各日淺宜顯報大郡以勸天下詔曰案其資歷悉自足爲郡守各以在職日淺則宜盡其政績不宜速他轉也博物志曰太公望爲灌壇令期年風不鳴條文王夢見一婦人甚麗當道而哭問其故婦人言曰我東海太山神女嫁爲西海婦欲東歸灌壇令當吾道太公有德吾不敢以暴風疾雨過也文王夢覺明日召太公三日果有疾風暴雨去者皆西來也

說苑曰晏子治東阿三年景公召而數之曰吾以子爲可而使子治東阿今子治而亂子退而自察也寡人將加大誅乎晏子曰臣請改道易行而治東阿三年不治臣請死

之景公許之於是明年上計景公迎而賀之曰善矣子之治東阿也晏子對曰前臣之治東阿屬託不行貨賂不至陂池之魚以利貧民當此之時民無飢者而君反以罪今臣之治東阿也屬託行貨賂至事左右陂池之魚入權家民之貧飢者過半君反迎而賀臣願乞骸骨景公乃下席而謝曰子強復治之東阿者子之東阿也寡人無復與焉

新序曰昔子奇年十八齊君使之治阿旣行矣悔之使使追日未至阿及之還之已至勿還也使者及之而不還君問其故對曰臣見使與共載者白首也夫以老者之智以少者之決必能治阿矣是以不還

又曰魯君使宓子賤爲單父宰子賤辭去因請借善書者二人使書憲法教品魯君與之至單父使書子賤從旁引

其肘書醜則怒之欲好則引之書者患之請辭而去歸以告魯君魯君曰子賤苦吾擾之使不得施其善政也乃命有司無得擅徵發單父單父大治故孔子曰君子哉若人魯無君子者斯焉取斯美其德也

太平御覽卷第二百六十八

太平御覽卷第二百六十九

職官部六十七

酷令長

縣丞

主簿

縣尉

漢書曰何並字子廉為長陵令道不拾遺成太后外家王氏貴而侍中王林卿坐法免歸長陵上冢因留飲連日並恐其犯法乃自造門上謁謂林卿曰冢間單外君宜以時歸林卿曰諾林卿素驕慙於賓客林卿既去北渡涇橋令騎奴還至寺門拔劍刺其建鼓並自從吏兵追林卿行數十里林卿迫窘乃令奴冠被其襜褕自代乘車從車騎身變服從閒徑馳去會日暮追至收縛冠奴奴曰我非侍中奴耳並心知已失林卿乃曰君因自稱奴得脫死即叱吏斷頭持還縣剝鼓置都亭下署曰故侍中王林卿

東觀漢記曰董宣爲洛陽令擊持豪強在縣五年七十四  
卒官詔遣使者臨視唯布被覆屍妻子對哭家無餘財上  
歎曰董宣死乃知貧耳  
晉書曰何曾孫機爲鄒平令性亦矜傲責鄉里謝鯤等拜  
或戒之曰禮敬年爵以德爲主今鯤畏勢懼傷風俗機不  
以爲慙羨爲離孤令既驕且忝陵駕人物鄉閭疾之如讎  
永嘉之末何氏滅亡無遺焉  
梁書曰沉瑀爲餘姚令富吏鮮衣美服以自彰別瑀怒曰  
汝等下縣吏何自擬貴人耶悉使著芒屨籠布侍立終日  
足有蹉跌輒加榜捶瑀微時嘗自至此鬻瓦器爲富人所  
辱故因以報焉由是士庶駭怨

縣丞

史記曰詔捕淮南太子淮南相怒壽春丞留太子建不遣

如淳注曰丞主刑獄囚徒故責之

漢書曰黃霸爲潁川太守務在成就全安長吏許丞老病  
聾督郵白欲逐之霸曰許丞廉吏雖老尚能拜起送迎止  
頗重聽何傷且善助之母失賢者意如淳曰許縣丞也  
後漢書曰張玄字君夏河陽人也少習春秋顏氏兼通數  
家法建武初舉明經補弘農文學遷陳倉縣丞清淨無欲  
專心經書方其講問乃不食終日及有難者輒爲張數家  
之說令擇從所安諸儒皆伏其多通著錄千餘人玄初爲  
縣丞嘗以職事對府不知官曹彪吏白門下責之時扶風  
琅耶徐業亦大儒也聞玄諸生試引見之與語大驚曰今  
日相遭眞解矇矣遭逢遂請上堂難問極日  
吳志曰會稽妖賊許昌起於勾章自稱陽明皇帝扇動諸  
縣衆以萬數孫堅以郡司馬募召精勇得千餘人與州郡

合討破之刺史臧旻列上功狀詔書除堅鹽瀆丞數歲徙

又曰孫堅為下邳丞歷佐三縣所在有稱吏民親附鄉里  
知舊好事少年往來者常數百人堅接撫待養有若子弟  
也

唐書曰武德元年詔京令五品丞一人七品正六人八品  
畿令六品丞一人七品正四人八品上縣令六品丞一人  
八品正四人九品中下縣各有差後改為尉

主簿

後漢書曰繆彤音馱字孺公仕縣為主簿時縣令被章見考  
史皆畏懼自誣而彤獨證據掠考苦毒乃至體生蟲蛆因  
轉換五獄踰涉四年令卒以自免  
又曰寧陽主簿詣闕訴其縣令之枉積六七歲不省乃復

上書曰臣聞陛下為臣父臣為陛下子臣章自上終不見  
省臣豈可北詣單于以告冤乎帝大怒尚書劾以大逆虞  
詡駁之曰主簿所訟乃君父之怨百上不達乃有司之過  
又曰仇覽字季和一名香初為蒲亭長有陳元者母告其  
不孝覽為陳慈孝之道卒成孝子考城令王渙政尚嚴猛  
聞覽以德化人署為主簿謂覽曰主簿聞陳元之過而不  
罪得無少鷹鷂之志耶覽曰以為鷹鷂不若鸞鳳渙謝遣  
曰枳棘非鸞鳳所棲百里非大賢之路乃以月俸資遣令  
入大學其名大振

唐書曰蘇弁為奉天主簿朱泚之亂德宗倉卒出幸縣令  
杜正元上府計事聞大駕至官吏惶恐皆欲奔竄山谷弁  
諭之曰君上避狄臣下當伏難死節昔肅宗幸靈武至新  
平安定二太守皆潛遁帝命斬之以徇諸君知其事乎眾

心乃安及車駕至迎扈儲峙無闕德宗嘉之就加試大理  
司直  
汝南先賢傳曰李宣之子名表宋公令寇端召表為主簿  
表不樂爲吏於寺門中焚燒衣幘端怒收表欲殺之陳仲  
舉聞之至宋公欲請表先過宣宣問何故來曰欲見寇令  
請足下兒宣曰吾子犯罪罪當死如有明君豈妄殺人宜  
從此還端追問仲舉仲舉具以語之端乃歎曰李宣烈士  
也卽原之  
蘇林廣舊傳曰仇香字季和爲書生性謙恭勤恪威矜莊  
兒不爲晝夜易容言不爲喜怒變聲雖同儕羣居必正色  
後言終身無泄狎之交以是見憚學通三經然無知名之  
援鄉里之舉年四十召爲縣主簿  
唐職貢令曰主簿掌付事勾稽省署抄目糾正縣內非違

監印給紙筆之事

縣尉

春秋元命苞曰天尉主甲設武備

今時尉官亦准此義也

史記曰張湯給事內史爲甯成掾以湯爲無害言大府調

爲茂陵尉治方中

漢書音義曰方中陵上土作方也湯主治之也蘇林曰天子卽位豫作陵諱之

故言方中如淳曰大府幕府也茂陵尉主作陵之尉也韋昭曰大府公府也

漢書曰李廣出鴈門匈奴兵多破廣廣亡失多當斬贖爲  
庶人屏居藍田南山射獵嘗夜一騎出從人田間飲還至  
亭霸陵尉醉呵止廣廣騎曰故李將軍尉曰今將軍尙不  
得夜行何故也宿廣亭下居無何匈奴入隴西殺太守於  
是上乃召廣拜爲右北平太守廣請霸陵尉與俱因斬之  
又曰梅福字子真九江壽春人也少學長安明尙書穀梁  
春秋爲郡文學補南昌尉後去官

東觀漢記曰光武起兵大冠絳衣騎牛殺新野尉乃得馬  
又曰逢萌字子康北海人少有大節志意抗厲家貧給事  
爲縣亭長尉過迎拜問事微久尉去舉拳搥地嘆曰大丈  
夫安能爲人役邪遂去學問  
後漢書曰橋玄案梁翼客陳助羊昌罪由是著名舉孝廉  
補洛陽左部尉時梁不疑爲河南尹以公事當詣府受對  
玄恥爲所辱乃弃官還鄉里

又曰令長國相亦皆有尉大縣二人小縣一人主盜賊案  
察姦軌

應劭漢官儀曰大縣丞左右尉所謂命卿三人小縣一尉  
一丞命二卿人

續漢書百官志曰邊縣有鄣塞尉掌禁備羌夷犯塞秩比  
二百石

魏志曰太祖除洛陽北部尉初入尉廡繕治四門造五色  
棒懸門左右各十餘枚有犯禁者不避豪強皆棒殺之後  
數月愛幸小黃門蹇石叔父夜行則殺之京師歛迹莫敢  
犯者近習寵臣咸共疾之而不能傷

蜀志曰劉備率其屬從校尉鄒靖討黃巾有功除安喜尉  
督郵以公事到縣先主求謁不通直入縛督郵杖二百解  
綬係其頸弃官亡命

唐書曰顏師古隋仁壽中授安養尉尚書左僕射楊素見  
師古年弱兒羸因謂曰安養劇縣何以克當師古曰割雞  
焉用牛刀素奇其對到官果以幹理聞  
又曰員半千晉州臨汾人上元初應入科舉授武陟尉屬  
頻歲旱飢勸縣令躬子良開倉以賑貧餒子良不從會子  
良赴州半千便發倉粟以給飢人懷州刺史郭齊宗大驚

因而按之時黃門侍郎薛元超爲河北道存撫使謂齊宗曰公之百姓不能救之而使惠歸一尉豈不愧也遽令釋之

又曰王無競字仲烈其先琅耶人因官徙居東萊宋太尉弘之十一代孫無競有文學初應舉下筆成章舉及第解褐授趙州欒城縣尉

又曰李勉爲開封尉升平日久且汴水陸所湊邑居厯雜號難治勉與縣尉盧城軌等並有擒奸擿伏之名

又曰柳公綽爲渭南尉公綽性謹重動循禮法屬歲饑其家雖給而每飯不過一器歲稔復初

又曰包佶授藍田尉時有詔命畿內諸縣城奉天時嚴郢爲京兆政尙峻暴加以朝旨甚迫尹正之命急如風霆本曹尉韋重規其室方娠而疫畏郢之暴不敢以事故免佶

因請代役無愆素當時義之

又曰竇參強直果斷少以門蔭積官至萬年尉時同僚有直官曹者將夕聞親疾參請代之會獄囚亡走京兆尹按直部將奏參遺請曰彼以不及狀謁參實代之宜當罪坐貶江夏尉人多義之

唐新語曰盧莊道年十六授長安尉太宗將錄囚徒京宰以莊道幼年懼不舉欲以他尉代之莊道不從但閑暇不之省也時繁囚四百餘人令丞深以爲懼翌日太宗召囚莊道乃徐書狀以進引諸囚入莊道評其輕重留繫日月應對如神太宗驚歎

又曰魏奉古爲雍丘尉時姚珽莅汴州郡寮畢謁珽覽刺召奉古前持廐牧令示奉古奉古一覽便諷千餘言珽驚起曰仕宦且四十年未嘗見此

又曰朱履霜好學明法理補山陰尉巡察使委以推按故人或遺以數兩黃連固辭不受曰不辭受此歸恐母妻詰問從何而得不知所以對也

又曰楊再思爲玄武尉使于京舍於客院盜者竊其裝囊邂逅遇之盜者謝罪再思曰足下有遺行勿復作聲恐傍人害足下可留公文餘並仰遺不形容色時人莫測其量又曰玄宗聽政之暇從禽自娛又於蓬萊宮側立教坊以習倡優曼衍之戲酸棗尉表楚客以爲天子春秋方壯宜節之以雅恐從禽好鄭將蕩上心乃引由余太康義上疏以諷玄宗納之

又曰鄭蜀賓頗善五言竟不聞達年老方授江左一尉親朋餞別於上門蜀賓賦詩留別曰畏途方萬里生涯近百

之流涕竟卒於官

魯國先賢傳曰二世時山東盜賊起二世問諸臣曰於公何如博士諸生三十餘人前曰人臣無將將則反罪至死無赦願陛下急發兵擊之二世怒叔孫通前曰諸生言皆非明主在上四方輻湊安有反者此乃鼠竊狗盜守尉令捕誅之何足可憂二世喜乃賜通衣帛拜爲博士諸生或譏通之諛通曰我幾不免虎口乃亡去之薛薛已降楚遂從項梁梁死從項羽

先賢行狀曰程堅字謹甫爲北陽尉貧無車馬每出追遊常步行郡聞給車馬

搜神記曰蔣子文者廣陵人嗜酒好色挑撻無度常自言已青骨死當爲神當漢末爲秣陵尉遂死及吳先主之初其故吏見子文於道乘白馬執白羽扇侍從如平生吏見



驚走子文進馬追之謂曰我當為此土地之神以福爾下民爾可宣告百姓為我立祠不爾將有大咎  
荆州圖記曰澧陽縣西百三十里澧水之南岸有白石雙立狀類人形高各三十丈周迴等四十丈古之相傳昔有充縣左尉與零陵尉共論疆因相傷害化為此石即以爲二縣界首東標零陵西碣充縣充縣廢省今臨澧縣則其地也

墨子曰備城法百步一亭亭一尉焉

宋武帝詔曰百里之任摠歸官長縣尉實効甚微其費不少二品縣可置一尉而已餘悉停省

太平御覽卷第二百六十九

職官部舉謫

摠敘官

春秋傳傳字脫 家語注官正清本正作政本書作征伐二字 通典俾又清本又作有疑又訛 李重集牧民之官重之及重字脫 相温集略表近方漢時句上下有脫文 則勢勢上下有脫文

丞相

史記又曰治鄭治字脫據本書補 又茹美美字脫 漢書又曰聞道道字脫 又曰田蚡為丞相條下出丞相有病賜以養牛條次朱博條次相國丞相秦官條次後漢書李通條次漢舊儀次漢雜事次漢舊儀丞相有病條次序錯亂今據清本改 又法度法字脫 僚師師當作帥 漢舊儀如師清本師下有弟子二字 又曰作漢舊儀曰

太平御覽

舉謫

又奉策奉字脫 駕騅駕字脫 吳志方今事職冗者  
貴重本書作方今多事職統者責重 晉書又曰為任為  
上疑有脫文 唐書又曰減徹作威散 又委仗舊書委  
作悉 又以障王事句上有脫文障當作漳

太傅 續漢書善道道與導通

太宰

周禮一曰治典以下誤入下昌言掌邦治下今改 晉書  
如漢如作以 齊職儀服事服作伏今改 為太為字有  
誤

摠敘三公

晉書猶揖清本猶作長猶疑獨訛

太尉

後漢書外不本書無不字蓋衍 謝承書又舉將將與與  
通 正朔朔字脫 百官表注武官武字脫 漢官儀又  
己營營作榮清本作治今以意改 相容容作授据後漢  
書注改 魏志又雲徹清本雲作震 晉中興書家平平  
疑世誤 摠敘冊隴西王西字脫

司徒

周禮地官一曰及貧五四字闕 魏志常為太常四字及  
為光祿勳大理為廷尉大農十一字脫 蜀志皆為皆上  
疑脫以下二字 晉書又曰章表章字脫 晉中興書又  
曰蔡謨傲謨作公以意改 符子其遂遂作罪 輔臣論  
見傳異度德寶清本傳作傳德作得

司空

春秋昭四年四當作十七 尚書刑德放九州上有脫文

太平御覽

舉謫

七

後漢書又曰自以自下有脫文 華嶠書吏化化恐治  
誤 孔稚珪表交輝龜墮暫吹等皆闕 劉孝儀表乞責  
責疑衍

大司馬

周禮注封爲爲當作謂 以用邦國用作同封 漢書迺  
置大司馬本書下有位大將軍驃騎將軍皆爲大司馬十  
三字略此數句文義不完 後漢書前鋒前字脫 後魏  
書遠清清作親 後周書卿掌以下爲注清本掌字以下  
亦然今改 博物志當吾道上下脫數句文義不通此条  
屢見互有異同本書亦多誤今不復詳

太尉掾

崔寔政論委策策字疑有誤

司徒長史

千寶司徒儀右長史清本右作左按當作左右

司徒掾

鍾離意別傳手足下有脫文 便當上書當上作上尚

何仁恕清本仁作人

司徒屬

晉中興書左西屬清本左作右

司空掾

魏志無私焉焉作宴據本書改 邴原別傳原作吉今改

錄尚書

晉中興書孝宗宗作文按晉無孝文孝宗即穆帝謚今改

唐書掌與掌上有脫文

尚書令

漢官儀不階間疑脫下字 華嶠後漢書自選舉選作遷

今改 蜀志軍國作戰軍據本書改 勸事本書下有亦  
不廢三字今略之則事字亦可刪 晉書曰百官表注曰  
字衍 宋書慄馳之不已則六字脫據南史補 則迭迭  
作遺迭與質溢慄躓及下疾爲韻 齊書拜謁拜字脫據  
南史補

左右僕射

東觀漢記衣皂襜褕衣褕二字脫 晉起居注爲左右僕  
射右字衍 晉中興書又曰憲體體當禮訛 宋書又胡  
江清本無胡字 又王裕之裕高祖諱故以字敬弘稱然  
則此亦當日敬弘撰者以傳首稱裕之漫出之耳 唐書  
又曰禮禮當作儀

摠敘尚書

續漢書宦官清本無宦字 謝承書又曰首歲朝後漢書

作歲首朝賀 又字伯條清本條作僚 云也魏略皇親  
部出此條無云也二字

左丞

晉書又曰郗丞郗作詵據本書改

右丞

五代史同光元年元字脫據舊五代史補

令史

漢官儀史籀籀字脫

吏部尚書

晉書又曰後牧馬後上下有脫文 宋書又曰白擅擅當  
檀訛 又因留因作固今改 梁書九流九字有誤 後  
魏書又曰廷尉評評字闕 頻頻本書作頻請 清言言  
當官誤 成首首當旨誤 又唱賊本書同清本唱作唱

三國典略呼誤呼字疑衍 長孫孫下有脫文 唐書  
又曰贖得清本贖作贖 又於集清本於作冬

摠敘尚書郎

東觀漢記每當當作嘗以意改 後漢書杜注蜀漢之郊  
方言郊作閒 謝承後漢書令長令上當有縣字 又曰  
關陽門關當作開 漢官儀又曰建禮門句上下有脫文  
晉書遙出遙當逕訛 又曰謂之名有主師之字疑軍  
若師誤師當作帥 其閒閒作門據晉書改 晉中興書  
從伯導導作遵據晉書改 三輔決錄張京兆張字衍  
又曰以左閒當有事字 汝南先賢傳反側側當則訛  
又曰貴戚戚疑盛訛 魏武集當御御字有誤 陸機表  
殿中中疑下誤

吏部郎中

蜀志愛尚尚作鄙 晉書又曰興縣清本興作輿 宋書  
又曰乃至至疑去誤 又滅名名疑身誤 齊書歷政本  
書同政疑當作代 後魏書又曰賣官吏吏字有誤 王  
蘊別傳與語與上語下疑脫欲者字 郭子乃殺乃作及  
以意改 山壽啓事又其清本又作人

吏部員外郎

五代史曲爲曲字有誤 梁祖梁字脫

司勳郎中

六典十有二轉有字衍

考功員外郎

唐書謂人曰謂作爲今改

庫部郎中

宋書問悔悔字脫據本書補

戶部尚書

漢書上尚尚字衍

戶部侍郎

唐書又曰嬖倖嬖倖當重

刑部郎中

唐書木插插作鋪

比部郎中

六典課程程作課 逋欠欠作懸據新唐書改

司門郎中

六典正禁本書禁作暴 周禮以下當為別項

禮部侍郎

唐書又曰省者者下有脫文 又肆其業舊書肆作肆肆

肆通

膳部郎中

五代史鄭統先歐薛書俱無統先傳統先疑有誤

屯田郎中

三國典略謁之清本作謁之是也 唐書貞元二十年十

字脫

六典改獵必三字闕

水部郎中

水字闕 六典部郎中員外五字政令政字坎河渠凡舟  
楫六字舉之之字皆闕 梁書綽兼書水勅亦宜稍習等  
字皆闕

侍中

應劭漢官官作書今改 後漢書又曰姓族清本族作儒

六部

舉論

六

應劭漢官儀迺存清本迺作刁 蜀志東之作作字衍  
晉書又曰正當當作常 又太極殿殿字脫以意補  
齊書鬻以鬻上疑脫將字 竹林七賢傳思心疑倒 語  
林扶上殿扶字衍 位未及扶位字有誤 續搜神記與  
之之下當有曰字 咸晉咸字脫以意補 傅咸詩序從  
兄也清本作從內兄 二難難文選作離注臣瓚曰長離  
靈鳥也二離日月也 梁王表問對曰問對疑倒清本無  
曰字是也

中書令

晉陽秋朝令令當作命 唐書又曰每議事清本作每一  
頭商量事

中書監

晉諸公讚時事句有脫誤 環濟要略益重益上疑脫任

字

中書侍郎

六典受其受作授今改 晉起居注今皆今當作古 通  
典初爲爲疑置誤

黃門侍郎

晉書少有及符采並有誤 後魏書大政大作文今改

又曰廣平王廣作陽 又元又又作又並據本書改 唐

書又曰烏茶茶作蔡清本作秦據本書改 唐中宗制公

局清本公作雲 栢作恒今改

給事中

唐書必謂字有誤 又已來來字有誤 施於尊極尊極  
疑倒

中書舍人

太平御覽

舉議

唐書又曰爲內史侍郎按內史當作中書 又有須慎重  
有須疑倒 五代晉史恃天恃作持以意改 漢史不敢  
不作非以意改 乃以以下當有爲字

起居郎

六典法度本書法上有動作二字 唐書又曰左街清本  
街作衛 又開成二年清本二上有十字 於代代上當  
有近字

諫議大夫

後漢書又曰動據據作舉據本書改 唐書又曰戮高步  
戮字脫據舊書補 又隋氏舊制氏作書據舊書改

拾遺

唐書又曰多是多作或據舊書改 又造又捉造字脫據  
舊書補

散騎侍郎

後魏書誤授授作受今改 沉吟沈上行日朕昨誤四字  
據本書刪 華嶠集義郎義當作議

員外散騎侍郎

後魏書不亞亞當惡訛

御史大夫

史記及羣臣及字在吕后上今改 漢書又曰知之清本  
之作人 唐書又曰賦美賦疑頌誤 又候館舊書作候

百官 漢武帝集大夫倪寬倪寬二字脫以意補 唐中  
宗制佇因佇字疑有誤 又蘇珣制朱幡清本幡作帷

御史中丞

漢書又曰薛宜薛作鮑今改 又道穆免冠冠字脫據本  
書補 魏氏春秋士主多逐捕此句有誤 晉中興書譙



王譙字闕 又中丞字闕 又司直倒今改 外甥毅毅  
上當有劉字 齊書又曰淹曰淹字脫據南史補 奏收  
收字衍 北齊又曰宮丞本書官作中 隋書一殿中殿  
中作中尉 水窓水木訛 又于頓頓作頤音狄狄作顧  
今改 省官清本無省字 又在任任字脫 加至至字  
脫 梅陶自叙由陛下下字衍  
持書侍御史  
侍字脫 漢書書御史闕 續漢書掌選掌字當在天下  
上 魏志多有有字脫據本書補 晉書史才倒以意改  
後魏書憚強閒衍彈字王澄閒複王字並據本書刪  
隋書和干本書干作平 又曰任屋按本書任作賃是也  
注誤 傅咸箴敘執憲憲字有誤或是王字 得罪天子  
得字脫清本作不得天子按此完用詩句也

侍御史

續漢書大封拜清本上有大朝會三字 後漢書又曰經  
書故舊疑有誤 隋書柳調通體弱清本調作條 又曰  
君冠君字脫據上漢官儀條補 陳留耆舊傳遮勅勅疑  
勒訛 通典察其察作客 又曰始定受事御史如一百  
九字闕

殿中侍御史

唐書又曰舊例每日例下空一字清本作自自字不通今  
據舊書直接下文

監察御史

唐書又曰第四人者下有脫文 又咸廩業業作某李宙  
宙作富察長寮作察並據舊書改

叙卿

謝承後漢書河內河疑海 莊子執珪執字脫今補 說苑將車車作軍 又日之賢賢作貴據本書改

太常卿

漢書太常古官官下當有尚書字按此条漢書無見或是漢官儀之文 又坐人人字脫據本書補 後漢書東南南作西據本書改 又朱普學朱普二字刪去文義不詳今據本書補 續後漢書後字衍 魏書賣田賣字缺清本作買誤也今改 晉起居注又日可謂重可字脫以意補 淑履尚清虛按當作履尚清淑蓋淑字錯入上因補虛字耳 又以爲慨然慨然二字脫照晉書補 唐書五方之色色方倒不敢以下八字不任二字脫並據舊書改補 又公卿避之清本作公卿畏者皆避道下有都人榮之一句 應劭漢官既作間有脫文或是醒字 齊職儀

千乘千疑十訛 陳沉炯表其儀儀疑議訛

太常少卿

三國典略盛呼盛字有誤 書郎郎字衍

太常丞

宋百官志志作春秋

太常博士

通典事掌事疑職誤晉職官志無事字 唐書又日訪其按其真訛

太祝

續漢書迎送迎作近以意改

陵令

六典則日日作日據本書改 胡廣箴按極哀下脫一句 聖周下脫一句聚上脫一字謂字故字非衍則錯王上亦

有脫文

太樂令

續漢書大司司疑合誤 晉起居注勤勞勞作榮

廩犧令

齊職儀河南南下疑脫尹字

光祿卿

應劭漢官儀學不學當舉訛 東觀漢記又曰邵馴馴作訓據後漢書改後漢書邵作召 謝承後漢書伯獻獻作欽據後漢書改 特進進字衍 嘗上疏嘗當賜誤 吳志不殆介然獨立殆字有誤介然獨立作為獨六清本立作居以意改 又曰濟□□育清本□□作之月餘按濟育語自足然志無傳今不可考

太官令

漢舊儀主飯肉六典作主膳食 主酒漿酒漿二字脫照

六典補 令丞治治字有誤 後魏書毛循之本書循作脩 親待待作侍據本書改 王朗集王攜魏志注攜作

儻 黃初初字脫據魏志注補

衛尉卿

衛尉卿

六典供其其作貝金鼓鼓作戟並據本書改 後漢書忠

主忠作憂 吳志孫權為吳王作為孫權立吳據本書改

漢官解詁昏□清本昏上有後字無□

公車令

應劭漢官儀殿司殿上下有誤脫 為侍侍下有脫文

宗正卿

漢書注為宗正宗字脫據本書補

太僕卿

太僕卿

舉請

周禮掌正據本書改

齊職儀乘黃獸名乘黃脫據六典注補

廐令

漢書家馬家作象據本書改下同 晉灼注六廐六作大  
漢書不載此注據後漢志注改 應劭注桐動桐作相今  
改本書出音而無桐動二字按動下當有也字 又未央  
廐令令字脫據本書補

車府令

東觀漢記匡自匡字脫據後漢書補

大理卿

韋昭辨釋名以尉尉人上尉字有誤 韓詩外傳則死死  
作在臣官官作居分利利作則並據本書改 爵為爵疑

當作祿 漢書又曰哀獨本書蠲作鰥寡二字 又掾史

史作吏據本書改下同 治部治作化據本書改 又乃

始等等字請論請字更嫁更字脫并據本書補 謝承後

漢書范延壽宣帝時為廷尉按前漢年表延壽成帝時為

廷尉非宣帝漢書無傳其事不審然書目有誤必矣 至

聞至疑事誤 華嶠後漢書為名法家名法倒以意改

魏志有怨有字脫據本書補 惟知知作之據本書改

晉中興書主典吏晉書作帳吏典疑帳誤 後魏書於舜

之事於舜疑有誤 反為反作及據本書改 會稽典錄

有恩清本有作其 說苑失其失字脫據本書補 尊子

文之意之意二字因上文衍反內政本書作使及內政

大理正

東觀漢記比干嘗爭之比干作敞據後漢書改 後漢書

後字衍且次序宜在東觀漢記上 晉書又曰廷尉三官云云晉書不載疑是通典之文

大理丞

唐新語日知報日以下十五字脫

廷尉評

六典推訊訊字脫 漢書弄法法字脫

鴻臚卿

漢書又曰諸侯歸義本書無侯字蓋衍 漢雜事蕭□清

本□竹何非也 魏志朝廷朝字脫據本書補 閒使閒

作問據本書改 恒常常字闕 魏略曷相倒以意改

司農卿

吳志侍衛侍字謂曹爽謂字脫並據本書補 異苑造碑

造字石龜石字載碑二字皆脫並照龜部所出廣五行記

補五行記岑淵淵作泉無吳郡時三字及碑注注字

司農少卿

後魏職令第三清本三作五 堪勤勤上下有脫文

太倉令

漢書為齊齊字脫據本書補 梁冀別傳拜太倉令下當

有文不然秦官事不了

導官令

漢書導官注如淳曰云云案主酒醬者湯官也注有誤漢

書不載此注今不可考

太府少卿

後魏職令清官作官上

平準令

齊職儀為工正案為字當在正下

太平御覽

舉義

三

左右藏令

齊職儀內府內當作外 物所物上疑脫寶字

秘書監

沈約宋書秘室之府府室錯據下所出七略及漢藝文志注改本書無秘室之三字 後漢漢字脫今補 後魏書伊馥馥本書作馥 王肅表當聞清本聞作用 又之上疑士訛 魚豢魏略特為特作時以意改 梁書曰作又曰今改 後魏書三無一存作一二無存據本書改

祕書郎

魏志頃之頃字脫據本書補 又曰賜官郎中本書無此四字 王隱晉書除其浮穢清本下有著魏中經四字 虞預晉書好色好上晉書有然字人事人上有為睦所責故不得為嗣雖名出繼實廢之也彪由此二十字此都節

略不成文義 晉令覆校闕遺作覆省校閱據校書郎部

所出改 三國典略伏事伏服通 唐書鄧隆王充並除

世字蓋避諱也 唐書又曰龍朔二年以下至後周書東

閣大統脫

著作佐郎

後魏書義和義本書作義案當作儀儀匹也 弁和弁與下通 張華別傳除著除作論據晉書改

校書郎

漢書宦者宦作官今改 又曰流劉棻流字脫照本書補 唐書應神應字脫據本書補

六典讎校作定據本書補正 唐書又曰父道羸父字神

童舉舉字脫並據舊書改 唐明皇雜錄秘書字誤重

漢書奉使奉字脫據本書補 又曰周宣以下八字注書  
今改正司馬彪續漢書之正正政通 張璠漢記於斗清  
本斗作牛按當作斗牛 知公公字脫據後漢書補 漢  
舊儀承周史官句上下有脫文 沈約宋書本書無此文  
後漢輿服志云大史令丞一人明堂及靈臺掌候日月星  
氣據此靈臺下當有丞字今據補 帝王世紀之篆之上  
疑脫謂字 賈誼書時節時上本書有不字 荀悅申鑒  
於今本書今作令

大長秋

通典曰三字脫 闕人注寺人注皆脫 少府以下至又  
字脫 衛尉倒今改 後漢書有心幾幾字脫據本書補  
不國子祭酒

韋昭辯釋名先凡必三字闕 晉書學徒清本徒作校

沉約宋書 蓋一清本 作並本書與此文大異按蓋下  
當有以字 梁書令令字衍 曠音簡大書今改

風俗通二為清本 二作三 東觀漢記一頭羊頭字脫  
少府監

張璠漢記為之感動四字闕 臧榮緒晉書謂祭謂作讀  
以意改 唐書官品志左右字脫六典無中署二字蓋  
循 五將作監 魏志問後問作問據本書改 士 周禮五百人人下當有為軍二字

六典左右衛將軍

舉議

六典警衛閣衛衛字 隋書注煬帝改左右衛為之八字

闕 今改左右金吾衛將軍 續漢書又曰宮外戒宮戒二字

百官表疑當作通典本軍止土作事據文獻通考改 漢

脫月三月作日一並據後漢書補正 謝承後漢書左雄

左作楊東漢無楊雄左雄為司隸屢論梁冀其誤可知故

改 唐書又曰以入入字脫據舊書補 大將軍

大將軍 按例當刪去大將軍三字大書寮屬二字

而注書附字於例為合 後漢書曰作又曰今改 世說減之之疑于

驍騎將軍

齊書優忝疑泰訛

前將軍

漢書又曰傅喜為右將軍右作左 又避怨怨作寃據本

書改 蜀志相為為作謂據本書改

後將軍

蜀志今便便作使據本書改

左將軍

晉書百官名臣百官名臣有誤

右將軍

蜀志令箕谷令字衍 恤事恤字有誤 大晉中興書又曰

顛異顛字脫據晉書補 聞名晉書聞作知

征東將軍



魏志持戟先登戟作戰持登二字脫據本書改補

鎮南將軍

蜀志可慕慕作纂據本書改 晉書故大軍臨至本書同故字可疑移置句下於文為妥

冠軍將軍

晉書載記左將軍軍字脫據本書補 此將本書同按將下疑脫來字

積射將軍

後周書深遂深廣陽王名

奮武將軍

賀齊傳日日字在賀上傳作封今改正

中護軍

晉起居注才見見疑具訛 晉王羲之教大史史當吏訛

監軍

范曄後漢書武陵五溪陵五二字脫照本書補

中郎將

漢書又曰注山財用之所出作山之所出財用據本書改

左中郎將

天文錄闕具閒疑當有兵字 續漢書世遇遇作偶 特以特作時並以意改

虎賁中郎將

東觀漢記又曰蘭內蘭與闌通 至命疑倒 九州春秋

注嘉德殿青瑣門殿瑣二字脫據魏志補

都尉

周紹新論周公周疑當作孫

騎都尉

大平御覽

舉調

吳志寡歸清本歸作居本書同

屯騎校尉

東觀漢記劉磐後漢書磐作般

步兵校尉

東觀漢記又曰過少有誤

射聲校尉

晉中興書無兵無字脫據晉書補

護烏桓校尉

續漢書烏桓胡作烏桓校尉據後漢書改

南夷校尉

沈約宋書武帝立本書立作置下同

冗從僕射

魏志忠亮忠字脫據本書補

儀同

後周書凡是本書同是字有誤 隋書掘强强字脫據本

書補 梁庾肩吾章指日作西月

特進

北史何宣宣作置據本書改

摠敘大夫

毛詩正大夫正字脫今補

金紫光祿大夫

三國典略高勃海王高當作齊

光祿大夫

後漢書又曰冠杖杖字脫據本書補 晉中興書仁修晉

書作叔仁 定婚倒以意改 又書學疑有誤

大中大夫

舉義

後漢書為太為字脫據本書補

柱國

北史何得向其女婿惜官今授卿柱國十三字脫

奉朝請

東觀漢記罷大司徒大字脫罷作失以特以字脫照後

漢書補漢官解詁惟國惟作難以意改

太子太傅

漢書曰作又曰今改受詔聞衍業字論語說說字脫

據本書補又立栗立字脫據本書補又弟受清本弟

作兄子本書同

太子太保

傅暢晉諸公贊諸公二字脫今補後魏書任城王雲四

字脫據本書補陸馘馘作馘

太子少傅

晉中興書待識晉書同識上下當有有若者字後周書

蕭圓肅圓肅二字援立援字脫視膳視作親過歷過作至

並據本書改補

太子詹事

俗說琰即琰作璞今改晉起居注孝武帝孝字脫今補

沉約宋書咸寧元年元年脫據本書補陳書王廓清

本作王廓唐書舊班制立疑當作舊制班位

太子中庶子

吳志勅中有誤勅字或當在復上

太子左右庶子

六典凡皇太子以下今六典不載宜傳傳作傅以意改

隋書又曰後及及作而據本書改唐書官品志又曰

太子少傅

舉書

七

宜稱令宜字在右庶子下稱作書子字脫並據文獻通考補正通考名曰作名目案畫日三字無

太子洗馬

傳咸申懷賦序自無施有誤

太子司議郎

唐書又曰司諫倒今改當今疑後昆誤取恣取當敢訛多憂多作非復在在當存訛書又表上倒據本書改

太子舍人

晉書又虞胤胤作殆據本書改為侍臣上下有脫文

後魏書牧冀州牧作收據本書改

太子家令

續漢書百官志倉穀物物上有脫文擬廷尉也疑有誤

王友志古士字銀對本書蘇晉中興書又曰與躬浩別傳之舉舉作譽以意改焉山公啓事不易易疑可誤令散令上疑脫且字且共稱共作非今改

王文學

魏志恭王袞袞作褒據本書改晉諸公讚扶風王司馬駿也

國郎中令

魏志驩卿驩字脫據居處倉部所出補

國中尉

續漢書乘上上疑與誤三輔決錄是時王未就國玄成八字無今據漢書補入

府長史

晉書顧脉脉作昧本書作滕晉中興書又曰上佐上字

太平御覽

舉義

三

脫據本書補 取周作周貧據本書改 宋書三素望作  
三府據本書改 齊書又曰詣輒詣作請輒字脫據本書  
改補

府司馬

晉書帝乃止帝作懿以意改 晉陽秋裕美美疑笑訛

沈約宋書板補本書同板疑拔訛 世說主許倒照晉書  
改

從事中郎

吳志友善友作有據本書改 虞預晉書學涉句有誤

府掾

魏志九牛九字脫今補 且比以下八字本書無諫諍部  
所出亦同此蓋非衍則上下有誤脫 魏略解劭劭作於  
今改 蜀志吉士士字脫據本書補 晉中興書又曰與

陳郡與作而今改 溫語溫字脫今補

府屬

華嶠後漢書繁冗清本無冗字 不良二字脫

記室參軍

吳志當作晉書 沈約宋書綜貫貫作實本書作淹

府參軍

魏志又曰今天下以下二十三字節略文義不通今據三

國志注補入 晉書又曰參卿軍事事字脫據本書補

世語又曰覽筆覽當攬訛 俗說方成清本成作呈 怪

收收字有誤

司隸校尉

漢書注大書今改 又侍御史至司隸六字脫據本書補

東觀漢記帝城門候候上行使字 奔走奔字脫據後

太平御覽

舉語

三

漢書注補 臧榮緒晉書職無假假下疑脫攝字  
 隋書色寬清本寬作寬本書同 愚誠誠作臣據本書改  
 又曰齒載載作截載耑與通 又因出出作而據本書  
 改 唐書百姓洵洵洵作兇人 又曰乃使使字闕乃  
 作可  
 漢書口萬作吉送三千人清本三作二本書同以西本書  
 西下有北道二字 又曰而矜功名矜字脫據本書補清  
 本作立而字無 沈約宋書上軍大將軍下軍字脫據本  
 書補 州軍倒以意改  
 尹  
 漢書又曰見吏閒行使字 又章臺衙注或曰二字在在

長上今以意改 眉幪幪當作幪注非也 後漢書錮人  
 錮作養 世尹閒衍曰字 又思欲報之作欲固執之思  
 欲倒今改 魏志兼複複作復溫信者者字脫據本書補  
 正 王隱晉書怪乃怪字脫以意補 又曰才紹清本紹  
 作經紹疑昭訛 李邵別傳故我疑倒  
 少尹  
 唐書蕭員員作肩 擊賴擊作繫據本書改  
 留守  
 後魏書又曰三川川作州據本書改 唐書又曰且日本  
 書作託云  
 內史  
 梁書又曰設檻窸昭四字脫據本書補  
 郡參軍

北史長流長字脫裴雋雋作攜並據本書改補

督郵

漢書又曰當順當作常據本書改 渠有渠作拒據本書改清本作詎師古注渠讀曰詎 後漢書注皆列本書無列字蓋衍 魏志又曰而呵而作而據本書改 列異傳習武亭書作情據狸部所出風俗通改 鍾離意別傳不冠不字有誤 干餘人人字有誤

刺史

漢書又曰舉為為字脫輒登輒作聊並據本書補正 梁書掄挹挹作揖 三國典略周太祖周作梁以意改 植樹後周書樹上有槐字 種二樹後周書二作三 北史又曰醮於於字脫據本書補 後周書又曰吏人吏作更 今改 隋書虧失清本失作慮本書作憲 唐書勞進進

字有誤 又曰與臣與作而據舊書改 五代史後唐書又曰利見見疑害誤

良刺史

漢書車蓋蓋字主簿車車字脫緹油油作紬軾前軾作載並據別駕部所出補正 又曰遮道自言本書下有官寺盡滿云云數十言 後漢書又曰鼓楫楫字脫 畢到畢作必 魏志相繼下衍南懷緒三字據本書刪去 晉書沔漢沔作泂 晉陽秋每有徵發徵字脫 晉中興書陽秋陽上當脫晉字 齊書致錢致作至清本作置據本書改 又曰輸還輸作翰據本書改 梁書又曰青州間衍冀字本書同據南史刪 糜費糜作糜 便令便作使本書同以意改 後魏書又曰頗好侵取侵取二字脫據本書補 後周書而廟清本廟上有岳字本書而字無 舊

在倒據本書改 誠尋尋作須 隋書又日向街向作回  
又賚物賚作賴 又凡百官人百作日以意改 又性  
嗜酒清本嗜作酣本書同 唐書又曰將為猛獸噬將字  
在噉上照新書改 又政存寬惠存寬倒據舊書改 又  
與為期與作以據舊書改

酷刺史

後魏書奪民呂勝脛無有紀極本書經下有纏一具洛侯  
輒鞭富熾一百截其右腕數語其下列舉洛侯安忍之狀  
而無無有紀極以下之事 北史又曰蒸猪蒸字脫據本  
書補

太守

漢雜事淮陽相清本作淮南王相 後漢書甄異甄作眞  
據本書改 三國典略又曰酒炙炙作矣據南史改 梁

書又曰吏但倒據本書改 晉書又曰

良太守

漢書又曰罷斃本書無斃字師古注言為盜賊久心亦罷  
厭 又博問其故其故二字脫據本書補 又奉法奉作  
奏自勉力勉作免力字脫並據本書補正 東觀漢記又  
曰以定定字脫據後漢書補 又字伯本後漢書本作平  
後漢書又曰燒者日屬日屬二字脫據本書補 續漢  
書令退令作今以意改 漢雜事父並並作併以意改  
吳志字孝時三國志時作則 梁書又曰劉之亨之字脫  
據本書補 唐書真卿形狀四字闕 五代晉史沁牧沁  
字斂貸貸字闕 攀卧歐陽史卧作號 華陽國志又曰  
曰下衍華陽國志曰五字今刪 益部耆舊傳遺冠據後  
漢書冠當作賢 鍾玩良吏傳委功委上疑脫一字 桓



階別傳醫野作醉據儉約部所出改 風俗通不耗二  
 字脫牛據部所出補入 字今國八並清書晉書民辨對  
 字 酷太守 東觀漢記於大道旁於上疑脫置字 晉陽秋羊聃聃作  
 冉應八議應字脫並據晉書補正 書又曰隆之字之字  
 書今別駕 漢書緹油屏星緹上有脫文 謝承後漢書又曰一桺桺  
 作押今改桺蓋與榼通 名亦何益名上疑脫立字 皆  
 有以清本有以倒 魏志又曰李膺云云此条錯出當改  
 作梁書曰移續晉安帝紀下 江氏家傳不知知字疑衍  
 應亨與州將賧有名閉有脫文

治中

魏志又曰不勤之之下當有故字 世說史才作吏才據

本書改

司馬

北史復奏復賜二復字本書雖有此節抄前後則刪去為  
 是

功曹參軍

東觀漢記合眾眾下有脫文 後漢書攬涕清本攬作揮  
 續漢書又曰援充援作投據後漢書改 魏志又曰矯  
 使過矯字脫今補 吳志又曰策好策字脫今補 又隱  
 形隱字脫 晉中興書河南尹尹作君以意改 又曰秀  
 治官秀字脫以意補 會稽典錄見謹謹作遣據吳志注  
 改 又曰志激志字有誤 鍾玩良吏傳選督郵下有脫  
 文 汝南先賢傳又曰敬託疾敬字脫以意補 荊州先  
 德傳逼為功曹功曹闕清本逼作辟 陳寔別傳乞從從

疑徙訛 咎出咎作各

司倉參軍

三國典略賀拔岳賀字脫據後周書補

司法參軍

後漢書周嘉傳曰嘉高祖七字無今補 兩漢以下本書無蓋他處注文誤入於此

州主簿

漢書立在立作位據本書改 魏志又曰子冀冀作異出圍出字脫揖死揖作陣並據本書改補 吳志君緣君下有脫字或是子字 晉書為州為字脫據本書補 又曰賊人人字衍 雄對對字脫據本書補清本作論 又遂遣京作文使詣京師本書同按遣使二字於義宜換處 齊書曰齊作宋今改 陳留者舊傳哭不哀者哀字有誤

交廣二州記太守荅云句上有脫文 為執執疑報訛

從事

漢書又曰乃歎乃上脫一句 蜀志又曰允南允作尹不飾飾作識並據本書改 王隱晉書郡主簿功曹上計掾舉孝廉十一字脫州辟辟作郡今據晉書補正 陳留者舊傳謂之巋然不諦之字疑衍語下當有者字 世說又曰郡事閒衍家字據晉書刪 逕就逕作遙以意改 而有行非者有當又誤 中正 魏略寬大然天下有脫文否則然字有誤 晉起居注及郎清本郎作即 齊書身家身字脫據本書補 北齊書中書監書作壽據本書改 三國典略晉令清本令作陵 晉宣帝議州制倒今改清本無制字 孫楚集奏序先

太平御覽

舉義

三

先字有誤

令長

論語又曰焉耳清本耳作爾後漢書又曰列人人一人

字脫據本書補續漢書召宣曰日字脫以意補擊楹

擊作撐令詣太官令詣二字脫並據後漢書改補後漢

書胡廣注後字脫今補晉中興書治應治作法

良令長

家語又曰闕清本作盡易溝洫深清本深下有治字

其清本作言東觀漢記又曰五官掾五作校

謝承後漢書是憲客憲宜舉姓是蓋寶憲華嶠後漢書

咸年咸當減誤魏志又曰圍之吏民四字脫又皆自

礪咸為佳吏自為脫咸作誠晉書故相要候故下當有

遠字宋書又曰縣用縣字脫據本書補梁書又曰自

武昌太守除名自字撰錄者所下文義不帖當作為武昌

太守坐事除名唐書又曰叱繫繫作擊今改又競來

競作竟今改又縣闕倒今改又胥吏吏作史據舊書

改齊書作又曰今改此条及下晉史蓋皆撰者追錄不

及正次耳廣州先賢傳黃豪疑毫訛陳留風俗傳

多貧貧疑賢訛博物志此條與本書及雨部所出互有

異同兩部召太公下有問之二字去者去字有誤新序

臣見使使疑其誤今新序無此文又曰使書作其據本

書改

酷令長

東觀漢記擊持豪強持搏誤

縣丞

後漢書通數家法本書同法當作說吳志鹽漬承漬作

太平御覽

舉請

卷

續據本書改

主簿

後漢書繆彤字孺公史皆畏懼本書孺作豫史作吏 蘇  
林廣舊傳威矜莊威字上下有脫文 唐職員令付事付  
疑府訛

縣尉

東觀漢記大冠作入寇以意改 又日子康後漢書作子  
慶 微久微字有誤 應劭漢官儀三人三作二一尉一  
丞作一人一尉命卿二人卿字脫並據後漢志注補正  
唐書又曰餞別於上門上門間疑脫東字 唐新語又曰  
作聲作聲惡據舊唐書改 魯國先賢傳無將將則一將  
字無今補 先賢行狀車馬作事焉以意改 荊州圖記  
百三十里四字注書今改

職官部覆校舉論

丞相 唐書又傳導傳誤傳 分目 左司郎外脫員字

郎外倒 屯田郎中 唐書貞元十二年十二倒 侍中

摯虞決疑要注有奇怪怪下脫獸字 黃門侍郎 漢

書又黃門郎郎上郎侍誤 興志服志服倒 魏志又選

黃遷誤選 給事中 晉起居注宜在宜誤宜 唐書京

龍景誤京 又不司可誤司 兗州記表淮准誤淮 東

哲集東誤東 中書舍人 晉中興書又允善允誤允

諫議大夫 魏志目汝日誤目 唐書又酒危厄誤危

補關 唐書至憲臺誤至 通直散騎侍郎 起居注注

下脫日字 後魏書臨淮准誤准 御史中丞 三國典

略續之第第誤第 傳咸箴敘應注音區匿誤區 侍御

史 六典付至臺誤至 吳志巾構構誤構 敘卿 梁

六三印覽

覆校舉論

三

書衛尉衛下衛卿誤 周禮農年豐誤農 光祿卿 漢  
官儀謁諸者誤諸 提目 守官令官誤官 衛尉卿  
六典衛卿衛下脫尉字 守官令 董巴漢中官傳董誤  
董 大僕卿 漢書又丞萃華誤萃 提目 鴻鴻卿下  
鴻臚誤夫司農卿 隋書祖穀租誤祖 司農少卿 唐  
書官館官誤官 導官令 續漢書春御春上脫主字  
市令 東觀漢記舍中兒誤兒 太平覽二百三十四  
卷脫御字 大長秋 後漢書不軌軌誤軌 少府監  
漢官官誤官 前將軍 蜀志詩羽詩下脫謂字 直閣  
將軍 後魏書朝奉倒 分目 盪寇將軍寇誤冠下同  
越騎校尉 後漢書又孚自卓誤孚 太子太保 傅  
暢晉諸公贊晉字誤在公下 太子詹事 漢書酒危卮  
誤危 太子中庶子 吳志又願心傾誤願 太子司議

郎 唐書又保傅傳誤傳 太子舍人 宋書王僧達僧  
誤僧 太子僕 隋書抑肅柳誤抑 府參軍 晉書又  
參卿卿誤卿 刺史 謝承後漢書又目日誤目 唐書  
忠勒勤誤勒 又衡州刺史史誤吏 言兒兒誤兒 又  
威望之師帥誤師 異苑韋郎朗誤郎下同 良刺史  
謝承後漢書百里嵩嵩誤嵩下同 後周書又多壤壤誤  
壤 唐書又賈敦頤頤誤頤 陶氏家傳牙相牙誤牙  
太守 晉書又任鄉卿誤鄉 良太守 王隱晉書又詹  
獨詹誤詹 晉書又還官官誤官 別駕 王氏家傳太  
傅傳誤傳 功曹參軍 東觀漢記又勢頤傾誤頤 魏  
志邈郎郎誤郎 又嬌使矯誤嬌 王隱晉書難日歎誤  
難 從事 世說不相丞誤不 良令長 漢官儀反至  
及誤反 晉書故相相上脫遠字 分目良令長一下誤

一縣尉漢官儀二卿人三卿倒  
 城 志強... 城... 縣尉... 漢官儀... 二卿人... 三卿倒... 唐書... 廬城... 軌成... 謀...  
太平御覽卷二百七十 唐書廬城軌成謀

太平御覽卷第二百七十

兵部一

敘兵上

世本日蚩尤作兵 宋襄注曰蚩尤神農臣也

春秋元命苞曰蚩尤虎捲威立兵 宋均注曰捲手也

書曰鴻範八政八曰師

大戴禮曰魯哀公問孔子曰蚩尤作兵與孔子曰蚩尤庶

人之貪者也反利無義以喪厥身何兵之能作兵之作與

民皆生也

左傳曰武有七德禁暴戢兵保大定功安民和衆豐財者

也

又曰舉不失德賞不失勞老有加惠旅有施舍見可而進

知難而退軍之善政也兼弱攻昧武之善經也

又曰兵猶火也不戢將自焚

又曰師直為壯曲為老

又曰師尅在和不在眾

穀梁傳曰善為國者不師善師者不陣善陣者不戰善戰者不死

國語曰穆王將征犬戎祭公謀父諫曰不可先王耀德不觀兵夫兵戢而時動動則威觀則玩玩則無震注曰玩曠震懼也

家語曰哀公問曰寡人欲吾國小則能守大則能攻其道若何孔子曰使君朝廷有禮上下和親天下百姓皆君之民也將誰攻焉苟違此道民叛如歸皆君之讎將誰守焉

公曰善哉於是廢澤梁之禁弛關市之稅以惠百姓

史記曰范蠡云兵者凶器戰者逆德

漢書曰兵家者蓋出古司馬之職王官之武備矣後世爍

金為刃割革為甲器械甚備下及湯武受命以師克亂而濟百姓動之以仁義行之以禮讓司馬法是其遺事也自春秋出於戰國出奇設伏變詐之兵並作漢興張良韓信序次兵法凡一百八十二家刪取要用定著三十六家

又刑法志曰自黃帝有涿鹿之戰以定火災顓頊有共工之陣以定水災唐虞之際至治之極猶流共工放讎兜竄三苗殛鯀然後天下服夏有甘扈之誓殷周以兵定天下矣天下既定戢藏干戈教以文德而猶立司馬之官設六軍之眾因井田而制軍賦焉天子畿方千里提封百萬井出軍賦六十四萬井戎馬四萬疋兵車萬乘故稱萬乘之主戎馬車徒干戈素具春振旅以蒐夏較舍以苗秋治兵以獮冬大閱以狩皆以農隙以講武事焉連帥比年簡車率正三年簡徒率牧五載大簡車徒此先王為國立武足

兵之大略也

又曰以仁義綏民者無敵於天下也至於齊桓晉文之兵可謂入其城而節制矣然猶未本仁義之大統也故魏秦之武銳不可以當桓文之節制桓文之節制不可以當湯武之仁義故曰善師者不陣善陣者不戰善戰者不敗善敗者不亡

又曰夫文德者帝王之利器威武者文德之輔助也夫文之所加者深則武之所服者大德之所施者博則威之所制者廣三代之盛至於刑措兵寢者以其本末有序帝王之所極功也

又曰魏相曰救亂誅暴謂之義兵敵加於己不得已而起謂之應兵爭忿小故不勝憤怒者謂之忿兵利人土地貨寶者謂之貪兵恃國家之大矜人民之衆謂之驕兵

又曰晁錯上書云丈五之溝塹車之水塹音子陵阜崎嶇積石相接此步兵之地車騎五不當一平原廣澤漫衍相屬此車騎之地步兵十不當一候視相及川谷分限此弓弩之地刀楯三不當一草木蒙籠枝葉蔚茂此矛鋌之地長戟三不當一穹崇險隘阻阨相視此刀楯之地弓弩二不當一

老子曰師之所處荆棘生焉大軍之後必有凶年又曰兵者不祥之器非君子之器不得已而用之又曰是以君子居則貴左故吉事尚左喪事居右是以偏將軍處左上將軍處右戰勝以喪禮處之也又曰善爲士者不武善戰者不怒又曰天下有道却走馬以糞車天下無道戎馬生於郊又曰以政治國以奇用兵



六韜曰用兵之道使如疾雷令民不及掩耳卒電不暇瞑目

古司馬兵法曰古者以義理之謂之正治民用兵止亂正

不獲意則權權出於戰不出於仁也分不均求不勝謂之

重而為之功以死易生以危為寧反是故殺人殺人可也

覆往來而以詐成故曰不出於仁也除民亂以戰去戰雖

可以殺止殺攻其國愛其民攻之可也去君害

戰可恃也故仁見親義見悅智見恃勇見方信見信將有五材

民親悅恃故內得愛焉所以守也外得威焉所以戰也利加

於敵則守固威加於敵則戰勝

又曰戰道不違時不歷民病所以愛吾民也春夏與師為

寒暑不易服飢疫不行所以愛民也不加喪不因凶所以

愛夫其人也敵有喪飢疫不加冬夏不興師所以兼愛彼

民也大寒甚暑故國雖大好戰必亡天下雖平忘戰必危

又曰天下既平天子大凱春蒐秋獮諸侯春振旅秋治兵所以不忘戰也

又曰古者逐奔不過百步縱綏不過二舍是以明其禮也

不窮不能而哀憐傷痛是以明其仁也成列而鼓是以明

其信也爭義不爭利是以明其義也又能捨服是以明其

勇也知始知終是以明其智也六德以特合散以為民紀

者古之道也自古之政也仁義勇智信民之本隨時而施

又曰先王之治順天之道設地之宜官民之德而正名治

物正者正官名也立國辨職立國治民分守墳以爵分祿

以爵位尊卑諸侯悅懷海外來服己也獄弭而兵寢聖德

之治也

又曰有虞氏不賞不罰而民可用至德也夏后賞而不罰

至教也殷罰而不賞至威也周以賞罰德衰也賞不踰時

欲民速得為善之利也罰不遷列欲民觀不善之害也功賞

不移畧罰惡不遷列所以勸善懲惡欲疾速者也

又曰夏后正其德也未用兵之刃故其兵不雜設軍不陣敵服故不

用五周不及虞夏之教殷義也始用兵之刃矣陣而周力也盡用兵之刃矣

討暴征亂戰後勝夏賞於朝貴善也化也殷戮於市威不

善也禁也周賞於朝戮於市勸君子懼小人也以賞進三

王章其德一也三王皆道德文武隨

又曰凡戰寬而觀其慮變者先以卑弱示不能以視敵進

退以觀其固遣輕兵至敵所視其利害得失所在也許設危

敵恐怖得靜而觀其怠視敵靜而不動相動而觀其疑挑戰

相見敵也知襲而觀其治欲襲敵先視其守備外內什

其疑否也又曰凡戰以輕行輕危進輕兵高材疾足能治亂所在也

重故危之以重行重無功進重兵持堅固守什伍不得凡

戰相為輕重重兵主持堅固守經兵

又曰民有勇心唯敵之視士卒勇銳進退前後離合左右

便民有畏心唯北之視其北心當安穩教道開示勝形以

服習兩心交支兩利若一兩軍相當兵相支持各求便利

者得兩為之職惟權之視謂知已彼稱輕重多少度

又曰軍旅以舒為主舒則人力足雖交兵致逐奔不踰列

是以不亂軍旅之固不失行列之政不絕人馬之力遲速

無過誠命軍旅政為堅固也進退

又曰軍庸不入國國庸不入軍軍庸入國則民德廢國庸

入軍則民德弱軍國異庸疆弱殊任故在國言文而語溫

在朝恭以遜脩己以待人不召不至不問不言難進易退

此申敘國在軍抗而立行遂而果介者不拜兵車不軾

庸之宜此申致軍庸之宜抗者不待問也意

城上不趨危事不齒此申致軍庸之宜抗者不待問也意

勝也介者不拜車不載騎不下所故禮與法表裏也文與武左右也古者賢王明民之德盡民之善故無廢德無簡民賞無可生罰無可殺也善無損德民能堪其事故賞罰無所施

又曰凡從奔勿息敵或止於路則慮之追敵奔北無休解則敵於路旁設伏當視察反覆慮凡近敵都必有進路退必有反慮地必知進退便利道徑通塞利害所在避實從虛也

又曰凡戰先則弊後則憚兵先舉則勞後起則選良次兵是謂益民之強相欠接之死地及見勢則心專強也任節食是謂開民之意自古之政也畜服御之具節餘糧

戰之日不餘食示必死戰也開塞生意以專民心此五帝三王用兵之道也曹公孫子兵法序曰操聞上古孤矢之利論語足食足兵

易曰師貞詩云王赫斯怒黃帝湯武咸用干戈為民也川

武者滅用文者亡夫差偃王是也聖賢之於兵也戰而時動不得已而用之觀兵書戰策孫武深矣孫子者齊人也名武為吳王闔閭作兵法一十三篇試之婦人卒以為將西破強楚入郢北威齊晉後百餘歲有孫臏是武之後也孫子曰兵者國之大事校之以計而索其情謂下五事一曰道二曰天三曰地四曰將五曰法道者令人與上同意

謂導以故可與之死可與之生而人不敢危危疑也言上教令也天者陰陽寒暑時制地者遠近險易廣狹死生言

致命也九時形勢不同將者智信仁勇嚴將宜五法者曲制官

道主用官制者部曲權職金鼓之制官者百凡此五者將

莫不聞知之者勝不知者不勝

又曰兵者詭道故能而示之不能用而示之不用言已實

外示近而示之遠遠而示之近欲進而治去道若轉信之

無法襲安邑陳舟臨晉而度於



又曰兵形象水水之行避高而就下兵之形避實而擊虛故水因地而制形兵因敵而制勝故兵無常勢水無常形能因敵變化而取勝者謂之神勢盛必衰形露必敗能因敵變化勝之若神故五常無常勝四時無常位日有長短月有死生兵無常勢盈縮隨敵也

又曰故不知諸侯之謀者不能豫交不知敵情謀者不能結交也不知

山林險阻沮澤之形者則不能行軍高而崇者為山樹水所聚者為林坑坎者為險一高一下為沮水草漸洳不用鄉導者不能得地利

故兵以詐立以利動以分合為變者也兵一分一合故兵疾如風擊虛徐如林不見侵掠如火疾如不動如山守如難却如陰見列宿也動如雷霆疾雷不及掩耳疾電不及

又曰夜戰多火鼓晝戰多旌旗所以變人之耳目也故三

軍可奪氣將軍不可奪心是故朝氣銳晝氣惰暮氣歸故善用兵者避其銳氣擊其惰歸此治氣者也左氏言一鼓三而後以治待亂以靜待譁此治心者也以近待遠以佚待勞以飽待飢此治力者也無邀正正之旗無擊堂堂之陣此治變者也堂堂盛大大

又曰用兵之法高陵勿向倍丘勿逆丘阪勿迎佯北勿從

銳卒勿攻餌兵勿食歸師勿遏懷歸故能死圍師勿闕司馬法曰兵三面開其一面示生路也若敵專陸此用兵之法也必空一而以示其虛欲使戰守不周也

又曰故善用兵譬如帥然帥然者常山之蛇也擊其首則尾至擊其尾則首至擊其中則首尾俱至

又曰踐墨循敵以決戰事行踐規矩無常者也是故始如處女敵人

開戶後如脫兔敵不及距處女示弱脫兔往疾

吳子曰鼓鞀金鐸所以威耳旌麾旗章所以威目禁令刑罰所以威心三者不立雖有國必散於敵故曰心威於形不可不戰

管子曰夫為兵之數存乎聚財論工造軍器制器兵器選上政謂備知其地形隘易明於

機數此八者皆須故兵未出境而無敵入者悉備然後能正天下

又曰凡民之所以守戰而死而不德其上者或守或戰雖復至死不取持之以德於上則有數變一曰大者親戚墳墓之所在也變一田

宅富厚足居也變一不然則州黨與宗族足懷樂也變三不然則上之教訓習俗慈愛之於民也厚無所往得之也變五君之

皆在於人無所他往變四不然則山林澤谷之利足生也變五不然則地形險阻易守而難攻也變六不然則罰嚴而可畏也

賞明而足勸也變七不然則有深怨於敵人也變八不然則有厚功於上也變九戰而不得於君變九今恃不信之人而求

以利用不守之民而欲以固將不戰之卒而幸以勝此兵之三闕也

尉僚子曰凡兵者羊腸亦勝鋸齒亦勝兵重者如山林輕者如燔如炮如漏如潰如堵垣壓人也雲霓覆人也

又曰故兵止如堵牆動如風雨車不結轍士不旋踵此本戰之道也所以養民也

又曰城所以守戰戰所以守城也故務耕者其民不飢務守者其民不危務戰者其地不圍三者先王之本務也而

兵最急



善

黃石公記曰將所有為威者號令也戰所以全勝者軍正也士所以輕戰者用兵也故戰如風發勇如河決衆可望而不可當可下而不可勝也

黃石公三略曰聖王之制兵也非好樂之也將以誅暴也

暴謂亂夫以義誅不義決江河澆螢火其尅必也

商君書曰夫民情好爵祿而畏刑罰人君設此二者以御

民夫民力盡而名隨之功立而賞隨之君能使其民信此

明於日月則兵無敵也

呂氏春秋曰古之聖王有義兵譬之若用良藥治人毒藥

殺人義兵為天下之良藥也

又曰古聖王有義兵而無有偃兵兵所自來者尚矣與始

有民俱凡兵也者威也威也者力也民之有威力性也性

者所受於天也非人之所能為也武者不能革而工者不

能移兵所自來者久矣黃炎固用水火矣黃帝共工固欲

作難矣與高辛氏爭為五帝固相與爭矣

又曰人曰蚩尤作兵蚩尤非作兵利其械也未有蚩尤之

時民固剝林木已戰矣故勝為長長則猶不足以治之

故立君君又不足以治之故立天子天子之立也出於君

君之立出於長長之立出於爭爭鬪之所自來者久矣不

可禁不可止故古之聖王有義兵而無有偃兵也

又曰家無怒咎則豎子嬰兒之有過也立見天下無誅伐

則諸侯之相暴也立見故怒咎不可偃於家刑罰不可偃

於國誅代不可偃於天下有巧有拙而已矣故古之聖主

有義兵而無偃兵夫有以饑死者欲禁天下之食有以乘

舟死者欲禁天下之舟有以兵喪國者欲偃天下之兵悖



夫兵不可偃也

又曰凡兵天下之凶器也勇天下之凶德也興凶器行凶德不得已也

又曰人情欲生而惡死欲榮而惡辱死生榮辱之道一則三軍之士可使一心矣凡軍欲其衆也心欲其一也三軍一心則令可使無敵矣故曰其令疆者其敵弱其令信者其敵誑先勝於此則必勝之於彼矣

又曰古之至兵士民未合而威已諭矣敵已服矣豈必用旌鼓干戈哉故善諭威者於其未發也於其未通也宵宵乎莫知其情此之謂至威之誠也

又曰凡兵欲急疾捷先欲急疾捷先之道在於知緩徐遲後緩徐遲後急疾捷先之分也急疾捷先所以決義兵之勝也

又曰雖有江河之險則凌之雖有大山之塞則蹈之并氣專精心無有慮猶預目無有視耳無有聞壹諸武而已矣

又曰萬乘之國外之不可以距敵內之不得以守固其民非不可以用也不得所以用之術也不得所以用之術國雖大勢雖便卒雖衆何益也

淮南子曰古之用兵者非利壤土之廣而貪金玉之賂將以存亡繼絕平天下之亂而除萬民之害也

又曰凡有血氣之虫含牙戴角前爪後距有角者觸有齒者噬有毒者螫有蹄者躓喜而相戲怒而相害天之性也人有衣食之情而物弗能足也羣居雜處分不均求不贍則爭爭則疆脅弱而勇侵怯人無筋骨之疆爪牙之利故割革而爲甲爍鐵而爲刃貪昧饕餮之人殘賊天下萬民騷動莫寧其所有聖人勃然而起乃討疆暴平亂世夷險

除穢以濁為清以危為寧也

又曰兵之所由來遠黃帝嘗與炎帝戰矣炎帝神農氏之末世也與黃帝戰於阪泉顓頊嘗與共工爭矣共工與顓頊爭為帝故黃

帝戰於涿鹿之野黃帝與蚩尤戰於涿鹿在滎陽堯戰於丹水之浦堯

楚伯受命滅不義於舜伐有苗三苗啓攻有扈禹之子伐

丹浦丹浦在南陽甘風鄂縣也自五帝而不能偃也況衰世乎

又曰夫兵者所以禁暴討亂也炎帝為火災故黃帝禽之

共工為水害故顓頊誅之教之以道導之以德而不聽則

臨之以威武臨之以威武而不從則制之以兵革故聖人

之兵也若櫛髮耨苗所去者少而所利者多也

又曰殺無罪之民而養不義之君害莫大焉殫天下之財

而贍一人之欲禍莫深焉所為立君者以禁暴討亂也今

集萬民之力而反為殘賊是為虎傅翼曷為不除也

又曰霸王之兵以論慮之以策圖之以義扶之非以亡存也將以存亡也

又曰聞敵國之君有加虐於其民者則舉兵而臨其境責

之以不義刺之以過行兵至其郊乃令軍師曰無伐樹木

無掘墳墓無熟五穀熟燒無焚積聚無捕虜民無收六畜

無聚所征國民以為為採取乃發號施令曰某國之君傲天

侮鬼決獄不辜殺戮無罪此天之所誅也民之所仇也兵

之來也以廢不義而復有德也有逆天之道率民為賊者

身死族滅以家聽者祿以家以里聽者賞以里以鄉聽者

封以鄉以縣聽者侯以縣尅國不及其民廢其君而易其

政尊其秀士而顯其賢良賑其孤寡恤其貧窮出其囹圄

賞其有功百姓開門而待之浙米而儲之漸唯恐其不來

也此湯武之所以致王也而齊桓晉文之所以成霸也

又曰君為無道民之思兵也若旱而望雨也渴而求飲夫何誰與交兵接刃乎故義兵之至也至於不戰而心服也又曰晚世之兵君雖無道莫不設渠塹傳堞加守傳守也堞城上也女墻攻者非以禁暴除害也欲以侵地廣壤也故至於伏尸流血相支以日而霸王之功不世出者自為之故也又曰夫為地戰者不能立其功舉事以自為者眾去之眾之所助雖弱必強眾之所去雖大必亡也

又曰兵失道而弱得道而彊將失道而拙得道而工國得道而存失道而亡所謂道者體員而法方背陰而抱陽左柔而右剛履幽而觀暘天圓而無端故不可得而觀地方而無限故莫能窺其門天化育而無形象地生長而無計量渾渾沉沉孰知其藏也

又曰凡物有昧唯道無昧言萬物可昧也而道不可昧也所以無昧者以

其無常形勢也轉輸而無窮象日月之行若春秋有代謝若日月有晝夜終而復始明而復晦莫能得其紀制形而無形故功可成矣物而不物故勝不屈形兵之極也至於無形可謂之極矣

又曰大兵無創與鬼神通五兵不厲天下莫之敢當建鼓不出庫諸侯莫不懼慄沮膽故廟戰者帝神化者王所謂廟戰者法天道也神化者法四時也脩政於境內而遠方慕其德制勝於未戰而諸侯服其威也

又曰民誠從令雖少無畏民不從令雖眾為寡故下不親上其心不用卒不畏將其形不戰守有必固而攻有必勝不待交兵接刃而存亡機固已形矣

又曰兵有三勢有二鈐有氣勢有地勢有因勢將充勇而輕敵卒果敢而樂戰三軍之眾百萬之師志厲青雲氣如

飄風聲如雷電誠積踰而威加敵人此謂氣勢狹路關津  
 大山名塞龍蛇蟠宛卻笠居卻優覆也羊腸道羊腸一伸  
 魚笥門竹笥所以捕魚其門一人守險而干人不敢過此  
 謂地勢因其勞倦怠亂飢渴凍暍推其搖搖擠其揭揭此  
 謂因勢間諜間諜軍之審錯規慮設蔚施伏草木盛隱遁  
 其形出於不意使敵人之兵無所適備此謂知鈐陣卒正  
 前行選進退俱什伍搏前後不相躐躐躐也左右不相干受  
 刃者少傷敵者眾此謂事鈐鈐勢必形吏卒專精選良用  
 才官得其人計定謀決明於死生舉錯得時莫不振驚故  
 攻不待衝隆雲梯而城拔雲梯可依雲而立所戰不至交  
 兵接刃而敵破明於必勝之數也不  
 又曰夫飛鳥之驚也俛其首猛獸之攫也匿其爪虎豹不  
 外其牙噬犬不見其齒故用兵之道示之以柔而迎之以

剛迎逆示之以弱而乘之以彊為之欲歛應之以張歛弱  
 也歛讀將欲西如示之以東也  
 又曰神莫貴於天勢莫便於地動莫急於時用莫利於人  
 和此四者兵之幹植也然待道而後行可一用也  
 又曰古之兵弓劍而已矣糟柔無擊脩戟無刺糟柔木予  
 刃也刺鋒也糟讀如曹晚世之兵隆衝以攻渠幘以守隆高也衝所  
 突壞之渠壅也一日渠甲名幘幘所以御矢連弩以射銷車以鬪連弩以牛挽之  
 以刃着左右為機開發  
 又曰古之伐國不殺黃口不獲二毛黃口幼少也於古為  
 義於今為笑古之所以為治者今之所以為亂也  
 又曰夫神農伏羲不施賞罰而民不為非然而菘政者不  
 能廢法而治民不能及神舜執干戚而服有苗然而征伐  
 者不能釋甲兵而制彊暴不能及由此觀之法度者所以

論民俗而節緩急也

栢範世要論曰太古之初民始有知則分爭分爭則羣羣則智者爲之君長君長立則興兵所從來久矣雖聖帝明王弗能廢也但用之以道耳故黃帝戰於阪泉堯伐驩兜舜征有苗夏禹躬湯周之文武皆用師克伐以取天下焉又曰聖人之用兵也將以利物不以害物也將以救亡非以危存也故不得已而用之也以爲戰者危事兵者凶器不欲令好用之故制法遺後命將出師雖勝敵而反猶以喪禮處之明弗樂也故曰好戰者亡忘戰者危不好不忘天下之王也

又曰夫兵之要在於修政修政之要在於得民心得民心在於利之也仁以受之義以理之故六馬不和造父不能以致遠民臣不附湯武不能以立功故兵之要在得衆得

衆者善政之謂也善政者恤民之患除民之害故政善於內則兵彊於外也

杜恕論曰天生五材民並用之廢一不可誰能去兵故兵之來也久矣所以威不軌而昭文德所以討彊暴而除殘賊也聖人以興亂人以廢廢興存亡皆兵之由也昔五帝不能偃況衰世乎

又曰濫殺無辜之民以養不義之君非兵之體也殫天下之財以贍一人之求非兵之體也怙其兵甲之器矜其變詐之謀欲以立威成名非兵之體也虜其君隸其臣遷其社易其民非兵之體也故夫霸王之用兵也始之以義終之以仁將以存亡非以亡存也將以禁暴非以爲暴也又曰兵之來也以除不義而授德克其國不傷其民廢其君而不易其政尊其俊秀顯其賢良賑其孤寡恤其窮困

百姓聞之欣然簞食壺漿以迎其君奚之遲也以湯武之師用兵上也誰與交鋒而接刃哉  
又曰所謂善用兵者先弱敵而後戰者也若乃征之以義以責其過振之以武以威其淫懷之以德以誓其民置之以仁以救其危此四者用兵之體所謂因民之欲乘民之力也  
又曰治國家理境內施仁義布德惠明勸賞黜幽昧功臣附親士卒和輯上下一心君臣同德指麾而響應此上兵之體也地廣民衆主賢將能國富賞罰信未至交兵而敵人亡遁此次兵之體也知地之形因險阨之利明奇正之變審進退之宜援枹而鼓之黃塵四起乃以決勝此用兵之下非兵之體也  
又曰夫德義足以懷天下之民事業足以當天下之急選

舉足以得賢才之用則兵之所加若勁風振槁此兵之體也

鹽鐵論曰兵者凶器也甲堅兵利爲天下殃其母制子故能久長聖人法之厭而不傷

蔣子萬機論曰夫虎之爲獸水牛之爲畜殆似兵矣夫虎爪牙旣鋒膽力無伍至於卽豕也卑俯而下之必有扼喉之獲夫水牛不便速角又喬竦然處郊之野朋遊屯行部隊相伍及其寢宿因陣反禦若見兕虎捩角牛全兕害矣若用兵恃彊必鑿於虎居弱必誠水牛可謂攻取屠城而守必能全者矣

劉向新序曰上古之時其民敦朴故三皇教而不誅無師而威故善爲國者不師三皇之謂也至於五帝有師旅之備而無用故善師者不陣五帝之謂也湯伐桀文王伐崇

武王伐紂皆陣而不戰故善陣者不戰三王之謂也及夏后之伐有扈般高宗討鬼方周宣王之征熏鬻而不血刃皆仁聖之惠時化之風也至齊桓侵蔡而蔡潰伐楚而楚服而疆楚以致苞茅之貢於周室北伐山戎使奉朝覲三存亡一繼絕九合諸侯一匡天下衣裳之會十有一嘗有大戰亦不血刃至晉文公設虎皮之威陳曳柴之偽以破楚師而安中國故曰善戰者不死齊桓公晉文公之謂也楚昭王遭闔閭之禍國滅昭王出亡父老迎而笑之昭王曰寡人不仁不能守社稷父老反笑何無憂寡人且從此入海矣父老曰有君若此其賢也及申包胥請救吳秦庭七日秦君憐而救之秦楚同心遂走吳師昭王反國故善死者不亡昭王之謂也是故自晉文公已下至戰國而暴兵始衆於是以彊并弱以大吞小故疆國務攻弱國備守

合從連衡群相攻伐故戰則稱孫吳守則稱墨翟至秦而以兵并天下窮兵極武而亡及項羽尚暴而滅漢以寬仁而興故能掃除秦之苛暴矣孝武皇帝攘服四夷其後天下安然故世之爲兵者其行事略可觀也

又曰樂毅以弱燕破疆齊七十餘城者齊無法故也孫武以三萬破楚二十萬者楚無法故也韓信以寡衆破趙十萬者趙無法故也近者曹操以八千破袁紹五萬者袁無法故也此五子能以少尅多者軍有法故也故用兵無法猶乘舟無楫登馬而不勒是以良將思計如飢存法如渴所以戰必勝攻必拔也

陳琳書曰王者之師有征無戰

衛公兵法曰崦阪高陵谿谷險難則用步卒平原廣衍草淺地堅則用車追奔逐北乘虛獵散反覆百里則用騎故

步卒為腹心車為羽翼騎為耳目三者相待參合迺行

太御覽卷第二百七十一  
天如乘雲以覆萬物  
不與於天而覆萬物  
谷精靈而潤萬物  
...

太平御覽卷第二百七十二

兵部三

將帥上

開元文字曰將率也

春秋元命苞曰上天一星為郎將

左傳曰楚子及諸侯圍宋宋公孫固如晉告急公孫固宋莊公孫

先軫曰報施救患取威定霸於是乎在矣先軫也報宋之

馬之狐偃曰楚始得曹而新婚於衛若伐曹衛楚必救之

則齊宋免矣前年楚使申叔於齊於是乎蒐于被廬晉常以蒐禮改政令

被廬晉地作三軍軍令復大國之禮謀元帥趙衰

日卻穀可臣亟聞其言矣說禮樂而敦詩書詩書義之府

也禮樂德之則也德義利之本也夏書曰賦納以言明試

以功車服以庸尚書虞夏書也賦納以言觀其志也明試以功考其事也車服以庸報其勞也賦猶



取也庸君其試之乃使卻縠將中軍郟濬佐之使狐偃將  
上軍讓于狐毛而佐之之毛狐偃命趙衰為卿讓於欒枝先  
軫欒枝貞子也使欒枝將下軍先軫佐之荀林父御戎魏  
犇為右荀林父中  
公羊傳曰君將使射姑將陽處父諫曰射姑民衆不說不  
可使將於是廢將  
戰國策曰秦與趙兵相距長平趙孝成王使趙奢之子將  
藺相如曰王以名使括若膠柱而鼓瑟耳此子徒能讀其  
父奢書傳而不知合變也趙王不聽奢子括少時學兵法  
言兵事以天下莫能當嘗與其父言兵事奢不能難然不  
謂之善其母問其故奢曰兵死地也而乃易言之趙若以  
為將破軍者必是兒及是其母上書具言不可曰始妾事  
其父時為將大王及宗室所賞者盡以與軍吏七大夫受

命之日不問家事今此兒為將東向而朝軍吏無敢仰視  
之者王所賜金帛歸藏家而日視便利田宅買之王以為  
如其父父子異心願王毋遣王曰吾已決矣其母因日即  
有如不稱妾得無隨罪乎王許之諾遂與秦軍戰死軍敗  
數十萬降秦秦悉坑之  
國語曰公使趙衰為卿辭曰欒枝貞慎枝晉大夫欒先軫  
有謀胥臣多聞皆可以為輔臣弗若也乃使欒枝將下軍  
先軫佐之前取五鹿先軫之謀也五鹿卻縠使先軫代之  
從下軍之佐超將胥臣佐下軍代先  
又曰公使原季為卿原季趙衰也文公二辭曰夫三德者  
偃之出也偃狐偃三德勸文公納襄王以示民義伐原  
紀之語以示民信大節以示民禮故以三德紀民三德  
辭曰毛之智賢於臣其齒又長毛偃之毛也不在位不敢

聞命乃使狐毛將上軍狐偃佐之尚齒也傳曰使狐偃將上軍襄于狐毛而佐之  
 也狐毛卒使趙衰代之唐云代將新軍辭曰城濮之役先且居之佐軍也善伯復受霍為霍伯也軍伐有賞功也善君有賞能其官有賞且居有三賞不可廢也且臣之倫箕鄭胥嬰先都在倫正三子乃使先且居將上軍也狐公曰趙衰三讓三使為卿三讓之其所讓皆社稷之衛也廢讓是廢德也以趙衰之故蒐于清源作五軍清原晉地晉本三軍有中上下軍今使趙衰將新上軍箕鄭佐之胥嬰將新下軍先都佐之子犯卒蒲城伯請佐蒲城伯公曰夫趙衰三讓不失義也義直讓推賢也義廣德也廣德賢至有何患矣請令衰也從子從先且居乃使趙衰佐新上軍此有新字誤也趙衰從新上軍之將進佐上軍為升一等新上軍之將位在上趙衰從新上軍軍佐之下此章或在狐毛卒上非也當在下史記孟嘗君傳曰文聞將門必有將相門必有相

又項羽本紀曰項氏世世為楚將封於項故姓項氏  
 又曰章邯已破項梁軍則以為楚兵不足憂乃渡河擊趙大破之當此之時趙歇為王陳餘為將張耳為相  
 又曰魏文侯問曰吳起何如人李克曰起貪而好色然其用兵司馬穰苴弗能過也於是魏文侯以為將擊秦拔五城

又王翦傳曰或曰王離秦之名將也今將疆秦之兵攻新造之趙舉之必矣客曰不然夫將三世者必敗何以其殺伐多矣其後受其不祥  
 又淮陰侯傳曰韓信曰陛下非能將兵而善將將此迺信之所以為陛下禽也

漢書韓信傳曰漢王使酈生往說魏王豹不聽乃以信為左丞相擊魏信問酈生魏得母用周叔為大將乎曰柏直

也信曰豎子耳遂進擊魏

又陸賈傳曰賈謂陳平曰天下安注意相天下危注意將將相和則士豫附士豫附天下雖有變則權不分爲社稷計在兩君掌握耳

又齊王傳曰祝于給琅邪王曰呂氏爲亂齊王發兵欲西誅之齊王自以兒子年少不習兵革之事願舉國委大王大王自高帝將也言高帝之時爲將也

又高紀曰帝嘗酒雒陽南宮曰通侯諸將毋敢隱朕

後漢書虞詡傳曰李循曰關西出將關東出相觀其習兵壯勇實過餘州

又曰大將曹公每攻城破邑得靡麗之物則悉以賜有功者若勳勞宜賞則不吝萬金無功與施分毫不與

魏志曰太祖旣破張繡東擒呂布定徐州遂與表紹相距

又曰孔融謂荀彧曰紹地廣兵疆田豐許攸習計之士爲之謀審配逢紀盡忠之臣也在其事顏良文醜勇冠三軍統其兵殆難尅乎彧曰顏良文醜匹夫之勇可一戰而擒又曰太祖征荆南劉備奔吳論者以爲權必殺備程昱料之曰孫權新立未爲海內所憚曹公無敵於天下初舉荆州不能獨當劉備英名關羽張飛皆萬人敵權必資之禦我難解勢分備資以成又可得而殺也權果多與備兵以禦太祖

晉書曰王導字茂弘光祿大夫覽之孫也父裁鎮軍司馬導少有風鑒識量清遠年十四陳留高士張公見而奇之謂其從兄敦曰此兒容貌志氣將相之器也又張華傳曰今之所要在軍師然議者舉將多推宿舊又慕容德載記曰昔韓信以裨將伐齊有征無戰耿弇以

徧軍討張涉尅不移朔  
後周書曰王勣性忠果有才幹年七十從太祖入關及太祖平秦隴定關中勣常侍從太祖嘗謂之曰爲將坐見成敗者上也被堅執銳者次也勣曰意欲兼之太祖大笑隋書曰煬帝之在東宮嘗謂弼曰楊素韓擒虎史萬歲三人俱稱良將其間優劣何如弼曰楊素是猛將非謀將韓擒虎是鬪將非領將史萬歲是騎將非大將太子曰然則大將誰也弼拜曰唯殿下所擇弼意自許爲大將弼賀唐書曰太宗嘗論將帥謂左右曰當今名將唯李勣任城王道宗薛萬徹三人而已李勣道宗不能大勝亦不大敗萬徹非大勝卽大破萬徹又曰太宗與長孫無忌薛萬徹等宴於丹青殿各賜膜皮而悞呼萬徹爲萬均因愴然曰萬均朕之勳舊不幸早亡

不覺呼名豈其魂靈欲朕之賜也因取膜皮呼萬均以同賜而焚之於前侍坐者無不感泣潞公薛萬均萬徹兄也國初立大功故太宗思之

又曰賈言忠乾封中爲侍御史時朝廷有事遼東言忠奉使往支軍糧及還高宗問以軍事言忠畫其山川地勢具陳遼東可平之狀高宗大悅又問諸將優劣言忠曰李勣先朝舊臣聖鑒所悉龐同善雖非鬪將而持軍嚴整薛仁貴勇冠三軍名可振敵高俚儉素自處忠果有謀契茲何力沉毅持重有統御之才然頗有忌前之癖諸將夙夜小心忘身憂國莫逮於李勣者高宗深然之又曰裴度使蔡州行營宣諭諸軍旣還帝問諸將之才度曰臣觀李光顏見義能勇終有所成不數日光顏奏大破賊軍於時曲帝尤歎度之知人

又曰朱滔効順代宗臨軒勞問既而曰卿自謂才孰與泚  
多滔曰各有長短統御士衆方略明辯臣不及泚臣年二  
十八獲謁龍顏泚長臣五歲未朝鳳闕泚不及臣代宗愈喜  
古司馬兵法曰上貴不伐之士上之器也苟不伐則無求  
無求則不爭國中之聽必得其情軍旅之聽必得其宜此  
貴不伐之士也不伐之士治國必得其貴而用之從命爲士上  
賞犯命爲士上戮故其勇力不相犯既致教其民然後謹  
選而使之事極脩則百官給矣教極省則人興良矣  
又曰凡戰則與衆分善將雖有獨見之知戰勝不選良先  
無功者勇猛勁材戰不得功後戰必若使不勝使過在已  
戰有失利當爲激致其銳氣也若使不勝使過在已  
過咎令無慙愧使復可使其  
又曰上同無獲將智無衆同等不能自用又不上專不死  
將無明智耻求賢問智自專上生多疑將無義心苟求全  
事爲衆所弊故口多死也

疑者上死不勝將無善略苟以死凡民死愛死怒死威死  
也視下如子則民生愛志意激揚則民死怒使民以  
義死利禮征伐以義則民死威賞賜分明則民死義賞爵  
厚重則民死利  
孫子曰將者智信仁勇嚴也故知兵之術人之司命國家  
安危之主也將者國輔輔周國必疆將周密謀輔隙則國  
必弱形外  
又曰故君之所以患於軍者三三者何也曰不知軍之不  
可進而謂之進不知軍之不可退而謂之退是謂縻軍縻  
不知軍中之事而同軍中之政則軍士惑也不知三軍之  
任權而欲同三軍之任則軍事覆疑不得其三軍既惑既  
疑則諸侯之難至矣是謂亂軍而引勝引奪故知勝者五  
知可以戰與不可以戰者勝識衆寡之用者勝上下欲同  
者勝以虞待不虞者勝將能君不御者勝司馬法曰進退  
唯時無自寡人

此五者知勝之道此上故曰知彼知己百戰不殆不知彼

而知己一勝一負不知彼不知己每戰必殆

又曰凡用兵之法將受命於君合軍聚眾汜地無舍無所

衢地交合結諸絕地無留無入圍地則謀發奇死地則戰

塗有所不由從也絕地無留不當軍有所不擊軍難險難久留

得之失前利若從也城有所不攻不可攻也地有所不爭皆與

操所以置華費而深君命有所不受苟便於事不故將通

於九變之利者則知用兵矣九事將不通於九變之利雖

知地形不能得地之利矣

又曰治人不知五變雖知五利不能得人用之矣下五是

故智者之慮必雜於利害在利思害雜於利而務可信計

不能依五地為我雜於害而思可解并計於害雖有患可

死地而趣之以利來也故用兵之法無恃其不來恃吾有

後生也

待之安不忘危無恃其不攻吾也恃吾不可攻故將有五

危必死可殺疑也必生可虜見利不進將怯弱必生反忿

速可侮疾急之人可忿廉潔可辱辱而致必來戰愛人可

煩出所必趨愛人者必倍凡此五者將之過用兵之災覆

軍救將必以五危不可不察也

又曰吏疆卒弱曰陷吏疆欲進卒大吏怒而不服遇敵

而自戰將不知其能曰崩大吏小將也大將怒之心不厭

也將弱不嚴教道不明吏卒無常陣兵縱橫曰亂此亂之

也道將不能料敵以少合眾以弱擊疆兵無選鋒曰北兵勢

也必走凡此六者勝敗之道將之至任也

又曰明主慮之良將修之非利不起非得不用非危不戰

而用兵主不可以怒而興軍將不可以愠而合戰合於利

而用不合於利而止不得以喜怒可以復喜愠可以復悅

亡國不可復存死者不可復生故曰明主慮之良將警之此安國之道也

吳子曰人有三不和不和於國不可以出軍不和於軍不可以出陣不和於陣不可以進戰

又曰將之所慎者五一日理二曰備三曰果四曰戒五曰約戒者雖尅如始戰○孔叢子曰子思居衛言苟變於衛君曰其才可將五百乘君任軍旅率得此人則無敵於天下矣衛君曰吾知其才可將變也嘗爲吏賦於民而食人三雞子以故弗用也子思曰夫聖人官人猶大匠之用木也取長棄短故材連抱而有數尺朽者良工不棄以其所妨者細也卒成不訾之器今君處戰國之世選爪牙之士以三刃焉弃扞城之將此不可使聞于隣國也衛君再拜曰謹受詔矣

太平御覽卷第二百七十二

